

10634

海州書樓藏書	
徐鴻殷整理	
分類	字 1297 號
冊	五 册




977737

待園詩鈔六卷



因治五年嘉平月
刊於金陵書肆



桐城學博怡之江君工詩嫻書法與予仲兄少荃爲翰墨交丁卯春杪予省親來金陵節署學博示予以待園詩鈔予取而讀之古體出入漢魏近體彷彿山谷少陵不苟爲甜俗綺麗而蕭疎淡遠如松風夜泉冷然生韻也如梅花冰雪丰格高寒而生氣迥出春意盎然也又如如元酒太羹味在酸鹹之外而朱絃疏越一唱三歎穆然而有遺音也蓋學博家樅陽江上與其鄉前輩詩人錢飲光劉海峯朱芥生王悔生張勗園居相近故其流風餘韻有以漸漬而不自知又其少時卽有志好古與龍眠馬命之戴存莊方存之諸賢俊師老儒方植之

待園詩鈔序

其相切劘尤以惜抱望溪爲標準是其學所從入己異於世俗者之所爲旣而北之山東濟甯南浮彭蠡東遊吳越沿洄於富春錢塘吳淞江上名山大川之勝風雲花鳥禽魚草木可驚可喜之狀旣有以蕩滌其湮滯而開拓其胸襟宜乎處困頓憔悴之境悠然而有以自得雍容淡泊無一不達於詩而詩之卓卓可傳者遂有如此也顧予兄方提師勦賊遠在數千里外予自解兵柄就醫皖上距學博樅陽舊居違不百里則觴詠翰墨之緣學博其能轉屬意于予乎蓋

廟謨指授行見寇亂蕩平海宇又安當作爲凱歌饒唱

播功德而被管絃有以追江漢常武諸什子自顧學殖
荒落無能爲役也學博其更珥筆賦之同治六年歲在
丁卯暮春月合肥李荃李鶴章誤於金陵節署

待園詩鈔序

康熙閒商邱宋牧仲中丞撫吾吳延毘陵邵子湘長蘅
敦布衣之好朝夕唱和商訂文史繪圖以紀之今青門
三稿中所謂并梧集蓋卽中丞幕中所作詩吾鄉人侈
爲美談顧二百年來無繼其事者固中丞愛士之雅爲
不可及亦子湘行義甚高有以致之也桐城江怡之學
博工詩好作書老而彌篤合肥宮保李公旣平吳之次
年以禮致之子方在公軍得與學博習久乃盡讀其待
園詩鈔雄而放質實而嶽崎七言今體由山谷入少陵
直造其室以予所見時賢之爲此無逾之者桐城山水
深厚自望谿海峯惜抱諸先生爲我

待園詩鈔序

一

朝文章宗派桐城之論詩文遂爲天下標準才力之士
生於其鄉習聞先輩緒言耳濡目染如故家子弟衣褶
舉止故當有異學博之於詩天事又絕故其所得如此
至七言今體乃尤得姚氏之法獨其筆力之所至非今
之人所能爲也學博自其少時卽落落爲弟子員不屑
專攻制舉業喜出遊有濟勝之具又篤於友朋不爲世
俗翕翕熱輒於其詩與作書見之比遭寇亂嘗流離江
浙閒益困頓憔悴矣而吟詠不輟亦無幾微不自得之
色合肥公旣雅重之引爲翰墨老友蓋庶幾商邱毘陵
之盛誼復見於今日焉予於詩無所成就從軍後益輟

不爲學博猥不鄙棄暇輒俾論定之頃隨合肥公有北
征之行舟中書此寄學博附於卷後非敢以云序也時
同治丙寅重九後五日無錫錢勗拜撰

待園詩鈔序

余廁宮保合肥公幕府幾年極友朋聚處之樂而投分最密則江君待園待園與余屋前後可呼而談時輒呼余飲灑灑論懷抱開豁紆鬱甚歡余以塵役廢詩久君得句時復就商小不愜輒趣余竄易一二字以爲快此可覘君之勤學而兩人相得之樂益彰矣君性質厚蕭爽詩亦類其爲人無意學山谷而與之近時且闖少陵之室君或不自知也君嘗謂友朋聚散靡定宜相貽文字識一時之雅頌以余求祿養將南行爲詩餞之意肫篤愧卒無以報而君先囑序其稿屢矣不可以復無言因念吾兩人聚處十數月論文之餘貧賤相溫慰歡若倫好自斯厥後余蹙蹙塵中不知所屆君以旅食從風漂浮亦靡有定所欲求踪跡合并仍朝夕聚恐不可復得深可愴恨因書以誌離合之感卽以序君詩不覺別淚之橫集也同治五年歲在丙寅九月甘泉李肇增撰於金陵節署

余平生多忘年之交江先生待園其一人也先生以詩名三十年余始與先生接先生年且五十矣每相見出詩相質余有所不可意欣然不以爲忤或執筆促改易之至再三試可乃已嗚呼先生之虛懷集益如此其負一世之名豈偶然哉今年夏先生訪余螺子山總其生平所爲詩若干卷囑余序次之乃爲言曰先生性恬澹少而安貧不兢兢外役所居在樅江上多山水亭林之勝先生每縱棹烟波閒以詩酒自娛晚而遭亂聞浙江西湖清麗甲天下遊數年而歸所作詩益多且奇余尤讀而愛之先生旣歸值兵燹之餘故居寥落益閒寂不

待園詩鈔序

一

自得而向時流輩且多鈞取聲譽以曲邀當路之知先生意不屑也余嘗論先生襟懷幽朗使人相對終日如清風自竹間來悠然有太古意而其清狂拔俗之韻則又嘗於酒酣縱論時見之故先生之詩不必有非常奇麗之觀而卽而誦之自有淵然而靜瑩然而虛之妙詩曰惟其有之是以似之其先生之謂乎先生少受詩法於方植之張昴園兩先生而所居則海峯王悔生兩先生故里四先生皆以詩名流風餘韻先生起而承之而能自成一家言世之君子尙其讀而考諸是爲序時同治龍飛元年夏五月旣望徐宗亮謹拜撰

評語俱以批閱先後爲次

方植之先生

東樹

評首二卷云格高氣空詞清意遠雄

傑之概凌爍一切其於古人妙勝均已全臻眼前實罕見其偶披讀之欣服無似吾邑斯文之寄得足下與戴子文子數人肩之氣類爲不孤矣亦諸先輩所深相者也

湯雨生將軍

貽汾

二浮嵐乍合蒼翠欲流活色生香挹之

不盡是蓋得乾坤之清氣者

侯青甫學博

雲松

評云昔侍惜翁先生於鍾山書院得

知桐城詩派類皆由七子上溯盛唐海峯先生以次悔

待園詩鈔

一

生芥生勗園皆能確守家法惜翁則鎔鑄唐宋獨以神韻爲宗至吾友方植翁濶而大之宏深幽渺爲海內詩人所莫及怡之私淑海峯惜抱親炙勗園植翁塗軌旣正更能博觀蘇黃各集以廣其趣不爲鄉先輩所縛豈非豪傑之士哉循誦再三曷勝欽佩

文斗垣徵君

聚奎

云余與待園蓉洲輩同學詩於勗園

植之兩先生近三十年矣顛毛各半白皆有一集平心

而論功深力大無過蓉洲待園則信手拈來不事雕琢

自有一邱一壑之致獨余駸弱不能化古人形體讀二

子詩輒爲心忤久之

馬命之徵君三俊云襟期淡逸不作凡近想使更加意
實際當必更有進於是者

戴蓉洲孝廉

鈞衡

云待園詩自有天才非摹倣家所能

刻畫其采石太白一律大江南北傳唱殆遍余往時屢
欲敵之刻意構思終日夜不能成篇而止再生將軍所
謂得天地之清氣者斯言近之

姚石甫觀察

瑩

評云學唐不泥於唐學宋不流於宋蒼

秀之氣清曠之才醞於空中自然流露可謂眼望古人
而機杼獨出者余老矣自海外歸來日晤吾友植翁因
得見怡之及里中諸輩皆以文學相砥礪而又能各出

待園詩鈔

二

其途徑以相勝未嘗非吾邑斯文之幸也他日訪勗園
於樅陽江上謂後輩將繼前賢能不然吾言而爲之狂
喜耶

丁丈星船

廷樞

云雄奇倜儻異態生姿各體精妙無不

具備前數冊似猶少作唯守唐人家法後則游行自在
生面獨開駸駸乎成家矣

馬慎甫茂才

起升

云先生胸襟灑落如野鶴孤雲性情

醇厚如璞玉渾金而境遇復多艱窘問學取法又高故
其詩隨意流露自不覺言之親切有味卓然不可磨滅
師門一瓣香君其繼之矣

許農翁明經

丙椿

云乙卯秋杪怡之尊兄游浮山歸信

宿數園樂數晨夕又得讀近著雜篇詣益上進歷觀兩

生青甫植之石甫諸老友評語皆非阿好者而石甫謂

學唐不泥於唐學宋不流於宋尤實獲我心今一言以

蔽之曰顧視清高氣深穩同人當不以予言爲河漢也

管小異茂才

嗣復

云馳騁安詳大家風格拜讀一過欽

佩靡已

許叔平明經

奉恩

云吾鄉太息張華杏

謂勗園先生

我輩都

推江總才樅水人文惟汝在盛唐山色爲君開人言派

自涪翁出我識源從供奉來立幟相期執牛耳攜樽待

待園詩鈔

三

訪射蛟臺

趙蔗詮孝廉

世暹

云天才亮特行神如空嘯傲凌滄洲

此業定垂不朽

王謙齋刺史

尙辰

云吾於桐城先後友七人焉文馬二

君偕先大夫同應制科兄弟而兼丈人行也礪泉孫君

年長交最先徐君椒岑齒最少其以詩名者則君與董

君嘯菴戴君蓉洲戴以氣勝董以潔勝君以才勝而清

超拔俗有自然入妙之處自江淮寇擾或死於客或死

於難或死於憂患惟君與椒岑尙存椒岑骭髀負俗君

與余亦落拓不偶回憶皖城高會斗垣命之諸君縱酒

謹呼已成春夢酒星不見墓草全枯因讀君作感慨係之

蔣劍人明經

敦復

云大箸氣清筆挺縱橫上下無不加

意視規規於唐宋格律而口頭語反囁嚅不出者奚啻霄壤宜乎白門諸老歎賞不置也

趙敬甫刺史

熙文

云雅淡清古不立意求高而自有儻

然夷曠之致非獨性靈閒迥亦久閱艱難而情意敦摯乃得超以象外工夫至此不易及也由黃入杜自是作者進手處而細讀諸篇絕不爲兩家藩籬所囿乃極與茶山集相同蓋純熟之後面目自成殊不向古人門戶下求生活也暑雨初過翻誦兩過尤增遠意

待園詩鈔

四

倪豹岑比部

文蔚

云待翁詩境無奇不有不規規於一

家門徑豪情逸韻觸緒紛來往往有古人思議未到之境固由天分絕而閱歷深要其研精覃思瘁數十年心力爲之始臻此詣也縱陽詩派自劉海峯先生後不振者近百年卒讀大篇瓣香未墜且欣且佩同治乙丑新秋同客金陵節署附綴數語以誌墨緣

陳作梅先生

翬

云余素不解詩以詩非苦吟則不能工非

貫串百氏自寫性情則不能工性懶廢學無暇爲之然體小不適喜讀少陵東坡山谷梅村諸詩以自怡可悲

可喜可驚可怨之境適如吾胸中之所欲言者何必自我作亦何必非我作也待園江君喜爲詩雖在羈愁離亂之中發之於詩有洒然自得之趣古體七言奇氣勃發俯視一世今體超然絕塵自出機杼不傍近人門戶其殆自寫性情而不惜苦吟者余之所以瞠乎其後也鮑花潭中丞源深云乙丑秋八月客金陵節署得交江君待園與言詩於唐宋推少陵山谷

國朝則喜讀朱秀水集且言曰詩雖出入古人要有自家一段真意境不限古人藩籬而後抒寫性靈翛然自得是乃我之真詩若斤斤求之字句閒則慎矣旨哉言

待園詩鈔

五

乎及讀大箸樸摯橫奇多得力杜黃二家而一種翛然自得之致別出古人意境之外洵乎詩中有真我其工拙不可以字句繩也詩之妙詣同幕諸君子評之詳矣余又奚贅爰就待園之言詩者以證待園之詩而書其大畧如此時將北上倚裝匆匆留此爪痕

莊希祖主政

忠槭

云玉溪山谷皆學少陵而所趨各異

大箸雖與玉溪不同其於山谷非僅貌似少陵云熟精文選理君於少陵之理亦可謂熟精矣其妙處如隴上陳安十盪十決盪薇莊誦欽佩無已

劉芝田方伯

瑞芬

云自來善學杜者必取徑於山谷然

覽者恆不終卷而廢則但得其粗獷而不得其生新西
江一派遂籍籍爲世口實今觀待園七律諸作可謂得
山谷之髓者矣世多稱其詩之美予獨揭其致美之由
將爲學杜者告焉

待園詩鈔

六

待園詩鈔卷一

桐城江有蘭怡之

古今體詩六十一首

己丑至庚子

做陶公飲酒

日夕出柴關提壺一相醉山翠聳遙陰湖光澹相繼飄
飄西風來爽入我胸次同處大化中清光獨有異今日
風景佳明日那可繪此理與誰言及時勿捐棄

雞鷲忽高飛鳳皇猶在斂翱翔固可喜網羅實堪嗟當
其翱翔時誰知不如它世降任宵小君子多坎軻自古
皆如此何用剖瑜瑕

待園詩鈔卷一

東海有道士往求見丰采自云離凡塵修煉數十載一
日畏風波此中失主宰始志非不堅絃忽中途改我來
島嶼間天風快瀟灑仙路若可通塵心一爲洗清絕轉
自疑恐亦難久待

三季民風降彼此多是非阿附昧心德繩直乖時宜甯
可招謗毀心德難自欺吾欲從黃綺商山高風微

園中植桃李松柏蔭其枝一日春風來花開多奇姿當
其爛熳日已知有敗時青松至歲晚霜雪轉清奇爭羨
芬芳者始知節不移畢竟畏盤屈不與性情宜

長夏幸無事幽居深樹林新綠蔭窗戶耳邊多鳴禽雜

客不來往有酒須自斟
醉後不省事清風鳴素琴
悠悠若遺世落花滿衣襟

海鶴翩然來鳴聲亦何悲
徘徊無儔侶飲啄清江湄
縱翼冲霄漢浮雲四爲開
或棲三珠樹清風灑颺颺
多謝鵲鷄匹中庭戲莫猜

憶昨廣廈間有客同居止
言笑畧爲歡好惡頗不鄙
奉我酒一卮叩我酒中旨
答言我飲之我自知
所美君若不余然君亦當醉矣
若作獨醒人終難喻此理

清晨向東臯農人事隴畔
各各勤犁鋤秋成已屬願
所得雖不多却無意外患
終身在鄉里所飽惟一飯
君子櫻世故那得不顏汗
何須赤松游吾將學耕佃
偶然至川上清風揚素波
百端競交集奈此逝者何
日月如奔梭少壯髮皤皤
對此若不飲空負白駒過

春山

春山有好鳥喚我到巖前
一片夕陽裏桃花紅到天
雲堆松下石風灑竹間泉
采藥幽林去逍遙學散仙

落梅

老鶴忽飛去空山冷白雲
梅花三百樹如雪落紛紛
流水夢中咽閒情笛裏聞
美人今不至滿地惜芳芬

秋蟲

病葉護牆陰，燈光冷隔林。吟來終夜苦，費盡一秋心。月落催寒杵，風清雜暮砧。可憐苔石畔，似訴少知音。

過萬竿樓訪張小巔茂才

昨訪曉巔子，扁舟夜渡河。雲行月有暈，風定水無波。兩岸盡楊柳，一亭生薜蘿。相期抱真尚，共作采薇歌。

謁余忠宣公廟

余公祠在郡城西，殿宇陰沈晝慘悽。古墓春深芳草合，高亭人去暮雲低。一家兒女知忠孝，萬里江聲憶鼓鼙。腸斷前朝松柏在，夜來風雨亂烏啼。

泊采石

待園詩鈔卷一

三

青蓮一去一千載，開寶而還無此才。今夜長天一杯酒，大江明月待君來。長安不見久流落，蜀道之難良可哀。我亦風塵苦飄泊，峨眉亭上獨徘徊。

閨情

美人罷瑤瑟，空對合歡牀。翠袖驚風薄，寒衾怯夜長。燒蘭時有淚，對鏡不成妝。忽聽黃鶯語，回頭見綠楊。

一春

一春風雨惜離羣，黃鳥聲聲不可聞。幾度出遊思載酒，空山落日忽逢君。綠楊風起千村雪，遠岫人歸一片雲。最好夕陽溪上水，雙雙鴻鴈浴波紋。

莫春讌集水天樓呈張先生景園暨諸同人

宋玉臨江宅尙留登臨吾輩喜同游遠天黏草都鋪地
春水浮花欲上樓灑岳峰高杯底合潯陽江濶檻前流
閒憑曲几忘歸去更看風帆葉葉舟

晚歸

我從山中來回瞻徑幽迥竹密斂層陰霞散炫餘景歸
雲曖山深孤烟出村冷行行月東升滿地見人影

出郊

行行陟高原曠然見宇宙繁林逗夏陰雜花媚春晝旣
得撫瑤絃復此飲醕酎疊嶂聳遙青平疇聚晚秀歸逢

待園詩鈔卷一

四

荷篠人爲我語耕耨

湖上曲

湖上亂鶯啼聲聳入人耳湖中雙鴛鴦自戲桃花水桃
花隔岸柳拂堤柳絮飛時花綺靡美人日暮搖輕舟盪
破春光千里愁回首夕陽忽明滅春風簾捲花外樓

雪中過勗園先生研京堂

高天雲黑風怒號枯蘆老木聲蕭騷江頭蛟鱓凍欲死
山中狐兔潛遁逃天宮昨夜作玉戲千巖萬壑堆瓊瑤
玉妃一笑墮瓊盒紛紛賸粉隨風飄方者爲圭圓者璧
庭畔撒鹽鋪一尺仰首不見前山高一片光搖銀海白

初聞似蟹爬寒沙鵝毛片片整復斜大珠小珠迸階砌
千樹萬樹飛楊花花飛六出打窗破廣庭積素無人過
匡牀八尺冷如冰三日聊學袁安卧先生坐讀寒無氈
蓬蒿不剪門常關連朝冒雪招我至坐誦新詩三百篇
思尋樂事買村釀囊中自數青銅錢醉鄉廣大良足戀
羊羔美酒非吾願樽前一酌還一斟清歌何必蛾眉勸
酒酣聊共賦尖叉和冰細嚼梅花片

朱樓曲

翡翠樓頭紅日曉荳蔻含苞春意早珠簾翠箔臨風開
中有仙人何窈窕窈窕青春貌娉婷七寶妝成耀眼明

待園詩鈔卷一

五

可憐纖縑還織素可憐傾國復傾城傾城名士宜相配
玉樹交枝花並蒂路經江渚復江沱人羨胡天更胡帝
胡帝胡天第一人才思妙比左家芬不用數錢誇姹女
共傳刺繡號鍼神鍼神日坐屏幃曲蜀錦裁成合歡褥
繡來三十六鴛鴦夜夜雙棲更雙宿雙棲雙宿可憐宵
人影橫陳燭影搖流水桃花迷玉洞瓊漿玉杵渡藍橋
玉洞藍橋夜漏永曉來日送鞦韆影芙蓉帳暖夢惺忪
一一春鶯喚不醒春鶯喚起曉妝初侍女窗前問起居
停車昨夜迎新婦却扇今朝向老奴停車却扇驚相見
笑把花枝比郎面但覺鳴琴日正長不知捲幔人爭羨

羨殺閨房樂事餘不知春思在天涯階前自種忘憂樹
庭畔還開消恨花

秋日登白鶴峯借陳魯芹果士童午棋茂才項蘭

圃

秋色散平野秋聲盤太空江濤風捲白霜葉日燒紅對
酒不辭醉譚詩誰最工上方鐘磬響歸路月明中

龍眠山中

前山三百樹松竹不能分一半是紅葉相看映白雲人
聲隔野澗鴈影亂斜曛回首所來徑流泉萬壑聞

寄蘊芳閣

待園詩鈔卷一

六

星光猶在天戒旦申早起燕居在何時行役從此始君
不作離愁預存來歸喜昔別柳條青梅枝今破蕊毋嗟
霜露寒但自膏沐理白月到湖邊遙知虛幌倚

游山寺

何來虛閣凌空起似與白雲長在天半落溪花浮夜雨
倒懸巖樹挂春泉鈴喧古塔棲鴉散草長幽林野鹿眠
行到禪房心更寂老僧枯坐日如年

春莫題丁丈星船蒹葭秋水樓

倚雲樓閣碧窗開白首主人千里回招我登臨同坐嘯
曠懷天地一啣杯柳邊鷗浴春波暖花外帆隨夕照來

更把檻前簾四轉清風縹緲似蓬萊

山行

山行不覺四五里回首峯巒皆翠微楊柳低時風在水
桃花落處人掩扉乍逢樵客入雲去時見漁翁收釣歸
之子所居在何處萬松杉裏一斜暉

我生

我生太拙生事微溪山坐久偏忘歸船移水荇鷓鴣語
風閃林花蝴蝶飛向晚看雲攜竹杖呼童沽酒典春衣
此間暫寄亦高隱何用長歌懷采薇

客中思故園春日

待園詩鈔卷一

七

高閣凌寒逼九霄間燒銀蠟坐春宵家書封罷還添字
夜雨聽殘又長潮燕子語憐深戶靜杏花紅憶數株嬌
青帘山店沽新釀常伴閒雲過板橋

泛舟

薄暮理輕舟緣溪聳新靚高岸隱茅茨人家盡橘柚日
落林壑美風來水紋皺野烟屯故墟宿雲暖遠岫感茲
獨忘歸鼓枻隨去就

咏懷

世士好辨論兢兢多是非以之繩人者而已反蹈之在
已不爲過在人卽爲疵聖賢惟罪已篤信理無私余惟

緘其口哺糟兼啜醪非故昧曲直狂瀾有可危
魯連勵清節爲人平難紛趙謝不肯受齊爵不願聞長
驅至海上吐納惟風雲非故愛貧賤富貴畏詘人舉杯
思此土高風不可倫

哭龍孺人

歲月本易逝沉憂苦淹遲之子歸泉壤音容空爾爲尙
記病時語明且將分離修短固有數恩義亦隨之君今
已戚戚後復何如悲丈夫挺豪氣勿累兒女私感此言
在耳悵恍如生時

生前多明敏死去鬼亦靈有感斯有應朞月何杳冥入

待園詩鈔卷一

八

夜一無夢豈竟昧平生抑爲篤恩愛不肯來親承空房
羸蛛網墨跡留幃屏獨坐想所歷孤花寒復馨

生死知爲命長憂原鄙事奉倩不愛才我獨感君義家
人宜以和亦爲德所施我常哦五言嘗爲易一字所易
字猶存竟爲今日淚吁嗟北風寒重續那卒歲

生事勞形役憂思亦漸歇諒君九泉心應喜舒鬱結今
日葬遺棺未得與同穴同穴豈君望此心復斷折黃土
苦無情青山永不別我今猶孤寒報君意未達

此一首
葬時作

過懷園

花落烏啼樹風高蝶過牆荒園尋故址流水送斜陽檻

外疑簾影樓頭罷酒香幾時歌舞歇回首有垂楊

寄懷詹樹三二尹

美人不可見明月忽當頭照我影偏瘦思君愁倚樓蟲
聲低欲語花意冷成秋離思終無極迢迢江水流

寒夜

寒夜苦無酒故人期不來疎梅橫曲徑斜月上荒臺鉛
麩成何事蓬蒿愧不才新詩吟欲就更聽漏聲催

星船先生下第

白首幾千里遨遊天地寬文章遭俗眼兒女博庭歡連
日花間約同看湖上山莫將飄泊意憔悴舊時顏

待園詩鈔卷一

九

題竹裏彈琴圖

天風憂幽竹之子彈瑤琴葉葉皆琴韻琅琅發古音美
人期不至明月滿空林萬慮此俱澹流泉清我心

對雪

盡日柴扉掩江南歲欲闌惟聞風折竹忽見雪成團爐
火添還冷盆梅瘦更寒空山罕儔匹高卧學袁安

采蓮曲

花作合歡牀葉如合歡褥三十六鴛鴦盡在此中宿
蓮花復蓮葉相顧斷人腸欲采不忍采藕絲如許長

寓居南山喜戴存莊過訪

驂駢駐花外青鳥報花前攜手驚初見知名已十年
譚元揮玉塵煮茗瀹清泉幸有盧仝屋何時對榻眠

鴛鴦詞

亦有呢喃燕雙棲玳瑁梁如何湖上女偏只愛鴛鴦

山中遇友人

向晚看山色山山生暖霞行來山近處一半是桃花之
子忽相遇林間共煮茶歸途不可覓留宿野人家

山齋喜友人至

高閣無人自掩關梅花影裏水潺潺遠看帆影遲歸岸
寒攔鐘聲不出山掃雪穿林荒犬吠數錢沽酒遠人還
好燒楮漆爐火共話蒼茫雲海間

待園詩鈔卷一

十

山家

掃地焚香午夢回野雲飛盡戶常開滿林濃綠罨如雨
啼鳥一聲山客來

題畫扇爲曹半岑作

買得芳醪手自斟離筵初唱渡江吟秋風秋雨愁多少
一寸芭蕉一寸心

欲泊

欲泊孤舟看晚晴垂楊垂柳好風迎船頭洗盞亂流水
一一沙鷗相向鳴

勗園先生詣桐子峯下文斗園茂才置酒邀余偕
至其家

文君古豪士情性與余同攜手碧山下歡邀白髮翁
琴彈流水外花落酒杯中談笑空千載寒燈一榻紅

閒居咏懷

龜兆何須續再三此生消息那能探聊同子羽拚頭責
閒學昌黎作手談風灑簷花團綺席雨過湖水挹晴嵐
仙人采藥忽相遇一片白雲攜滿籃

漫興

滿徑蓬蒿未掃除秋風嫋嫋渺愁余清樽夜雨留住客
黃葉疎燈讀異書對影忽慚雙短鬢側身惟有一蘧廬
生涯擾擾成何事明日看山意自如

出門

出門作客未旬日忽忽圍林春又殘新月難于深夜見
好花偏在異鄉看一樽愁聽鶯千囀三徑涼生竹數竿
料理扁舟歸計穩釣魚長傍楚江灘

把酒

出門三月盡風雨把酒一壺招友朋自掃落花鋪坐席
忽看幽鳥上枯藤此生爲客作何事明日還家猶未能
幸有草堂永朝夕拚將事業付青燈

家石三出大參公迎 鑿頌手蹟屬題

龍眠鬱蒼翠鍾靈毓奇姿篤生我宗袞巋然海內師皇
墳抉其奧瓊琚放厥詞高文規姚姒妙蹟追繇羲盛年
授科第巖疆擁旌麾召棠植遺愛杜母歌去思

先皇昔巡狩時邁臨南畿黃屋耀瑞日翠華飄祥颺萬
民休助慰四海恩膏施皇度式金玉臣心抱藿葵迎

鑿伏道左

天顏頓爲怡擬奏凌雲賦敬賡卷阿詩篇什傳奕禩明
良慶當時忠愛情勃發遺墨猶淋漓流芳緬曩哲千載
思媚茲

待園詩鈔卷一

十一

送張爾康茂才往蘭州

海棠方著花向我簷前垂楊柳弄新綠絲絲隨風吹對
此忽無色悵然君遠離憶昔初識君朝夕相追維忽忽
十餘載臭味無差池今茲君遠別顧我反淚滋我翻爲
君喜悽楚復何爲潛虬思出穴黃鵠本高飛丈夫在天
地四海任所之逆旅非爲客故鄉亦枝棲天地大蘧廬
何所用吾私況君有長子作文能精思小兒雖襁褓漸
能識笑啼老親尙康健小弟奉尊壘門戶既有託莫作
兒女癡我有蘭陵酒送君臨路歧我有青萍劍贈君斬
蛟螭芳草作綺席飛花向人低去去從此辭車馬增光

輝路過臨川閣應登超然臺臺高一望遠蒼茫何壯哉
班超一書生入玉關來丈夫須立志誰非天地才勸
君須努力使我心顏開

月夜誦太白蜀道難張子芳茂才因道巫峽之險
明月在天不可呼但願清輝留庭除照我與君提玉壺
玉壺忽傾倒兩人露懷抱翻恨相交胡不早君年十五
事遠游高談劍術冲斗牛我歌太白詩千首詩中懷抱
空前後黃河倒瀉落胸懷漢江直使變春酒別恨紛紛
爭落花長安不見空咨嗟千金買笑只行樂流俗不諧
王侯薄先生一去已千年令人往復惟詩篇蜀道之難

待園詩鈔卷一

三

難于上青天上萬仞之峭壁下有百道之洪川君曰
我會溯洄於其間不妨一一爲君言兩崖對峙高突兀
中分一線不見日洪流巨浪若有束奔騰蕩潏流不出
孤舟到此心目迷枯藤牽頭崖欲垂忽見大猿墮峭石
迸巖落水水怒激船頭掀簸船尾翹萬壑雷轟響千尺
須臾舟人急喧厖高懸旌竿心力灰舟欲梯天天倒立
洪濤怒挾銀河開回看眾舸馳下水有如怒弓突發矢
頃刻直可至千里中流鼎沸難留停巨石有字宜相迎
對我來開船振柁雙目睜稍縱吸溜埋潛鯉微怠以卵
三字與石爭灘中怪石多峻嶒大者象伏獅蹲形小亦鷲鳥

紛零星是時耳畔風索索天光慘澹雲意惡猩猩啼雨
鬼號風日暮冥冥灘聲作又聞空山啼杜鵑似向人言
歸去樂東望南天不見家人到此淚皆落我聞此語
心慘悽世路嶮巇不可知今日歸來猶未遲文章王國
爲羽儀他年功業宇宙垂高與蜀道常崔嵬

待園詩鈔卷一

十四

待園詩鈔卷二

桐城江有蘭怡之

古今體詩七十三首

庚子至癸丑

太和道中

楊柳幾萬樹三春齊發花風來一天雪吹落到誰家
縈繞愁千里低徊水一涯今朝是寒食孤塚日初斜

海豐官舍七夕

簾捲花間月一鉤誰家兒女在高樓低徊半載遲音信
潦倒何心看女牛濁酒醉餘驚異域微雲涼欲逼深秋
天風忽起海波立倚檻蒼茫天際流

待園詩鈔卷二

宿陽信老媪家

長途無旅店傳飢不能餐竟日風兼雨孤村晚更寒老
媪進漿酒偏憐客子單問余何處去前路倍艱難

鹽山旅店題壁

征車日日見州城屢向征夫問去程月出可憐孤枕夜
蟲吟況是故鄉聲人言遽信非爲過世事初經易不平
明日滄州已不遠扁舟猶畏晚潮生

濟甯太白酒樓

海上纔移棹臨清水不流連朝住開口搔首謫仙樓余
亦喜杯酒先生何處游可知千載下有客到城頭

泊臨清閘

扁舟此泊已三日把酒難教破醉顏津吏何心巖放開
崇祠欲祀半依山客中見月偏多感夢裏思家亦易還
富貴已非吾輩事此心長與白鷗閒

八月十五夜泊德州浮橋

世事榮枯那可求氷輪又見十分秋一年惟有今宵好
天下無如獨客愁太息河流歸大海渾忘身世在扁舟
天涯故里皆鴻跡蘆葦蕭蕭自去留

河決汴州水連數縣朱仙鎮盡沒張慎初二尹回
蜀同舟共話憫然有作

待園詩鈔卷二

二

黃河之水從天下回首中原百感生野濶烟銷飛足練
天陰鬼哭墮寒聲來時我過朱仙鎮遲日君歸白帝城
誰是濟川作舟楫腐儒無術涕交橫

張慎初自京師回蜀舟中爲敘登岱之樂

泰山絕頂俯東海雲氣昏昏相盪摩夜半懸巖觀曉日
天明下馬度黃河君身尙有烟霞氣我眼惟多上下波
此到巴江亦奇險猿啼楓落夜如何

金薌溪黃山望雲圖

我昔夢游江南山之中蒼松攬擎撐晴空兩巖峻削不
可上石疊水激無路通仰視諸峯在天上隱隱空際聞

清鐘忽有仙人壁上立攜余徑入雲中峯回瞻來徑墮
淵底桃花開遍山溪水更上一峯高嗟峨峯峯對峙如
蓮蕊耳畔習習清風生兩肘如翼凌太清仙之人兮俱
來迎坐此峯頂圓且平丹崖翠嶂列左右中開院宇疎
窗牖像佛攸居周四隅中有廣顙長眉叟忽見此老年
最高拈花微笑殊羣曹端肅起敬三禮拜慨然凡念俱
爲消意中不知此何地仙人語我黃山近雲霄天久不
雨雨意發頃刻此中成波濤出門但覺雲初出乍如冒
絮漸蒙密滂淖晃蕩旋彌綸上下天光白如一日光激
射看流銀又如積雪翻無垠大蜃噓氣爲樓閣振鷺翔
翥登蓬瀛雲虹縹緲看不定魚龍出沒波無聲遙峰數
點忽錯出但見峰頂如螺青乍隱乍現呼吸變海船揚
帆天吳戰冥冥杳杳非人寰不見當時千萬山此身雖
自踞峯頂茫茫乘槎浮海間金君繪此圖雲氣深模糊
演迤滉漾莫名狀一一與余夢中俱

月夜何眉岡上舍攜酒約登西城

故人攜美酒呼我登西城一飲不能醉重沽復百觥坐
看山月小卧覺清風生不識身何在惟聞雞有聲

立秋日雨後登西山偕方存之文學

一雨卽秋意炎威已漸更草蟲驚夜語山月看人生與

子陟山頂昂頭瞻太清涼風忽灑落此意誰能名

雙溪草堂題壁

相國百年久猶存舊草堂溪山不著意坐久若相忘平
澹早如此聲華能不長路人憇松下亦愛晚陰涼

肩岡復約游雙溪夜上碧潭奇石亭同金陵馬晴

齋方曾生上舍馬命之文學喬頌南孝廉

風來碧潭上潭水流涓涓水淨魚可數天高月正圓靈
源何定所朋好亦良緣放飲莫辭醉長歌石上眠
蘇厚子上舍杭州歸里見過徹齋喜而賦此

久病無消息忽驚歸故鄉三年不相見兩鬢已如霜嗟

待園詩鈔卷二

四

我亦爲客徒然見太行到家仍壁立回首轉淒涼

張小石上舍披雪洞聽泉圖

兩巖合甕盜冥濛不可攀雷轟在天上飛瀑下人間我
昔愛清曠曾游于此山今朝看圖畫猶聽水潺潺

宿蓉洲味經山館

溪草碧如昔簷花紅更芳梧桐三兩樹陰滿南山旁我
來尋舊樂君爲著書忙燈下課兒讀老翁安且康

雙溪千巖萬壑樓看溪水大漲復至碧潭奇石

萬壑盤無路溪聲上小樓聽殘昨夜雨看會百川流把
釣石堪坐停琴雲共留此閒更幽峭天意欲新秋

方補泉茂才天風海濤揚帆獨往圖

長風來萬里海忽作山高不辨天南北冥冥鬼怪號羨
君能澹定放眼小波濤把酒坐船尾飄然自著篙

披雪洞看瀑偕方召卿文學鄭生容甫

木葉蕭疎秋滿天無端哀樂忽相連賢愚百歲原同盡
山水重游喜有緣煮茗已償前日願題詩未必後人傳
石牀坐卧尋吾樂足底懸流萬道泉

寓居張氏勺園喜甘愚亭張小松夜話

亭西涼月影娟娟水面微風藻荇牽苔砌危行涼露滑
花陰閒抱古琴眠人能自立原無過士若求知未必賢
嗟我庸庸不解事諸君方寸有真詮

待園詩鈔卷二

五

過帶經山莊訪厚子

日午出南部驅車遵郊原阡陌歷已盡拏舟發迴川遙
眄幽人宅舟子語林端溯流徑轉遠岡巒蔽遐觀落日
浴遠渚輕烟冪湖壖近岸林壑變捨舟稍盤桓山暝樹
陰翳人稀地幽閒羣鳥入林樂孤犬吠聲寒東籬菊將
吐西圃蔬未刪童稚出迎客急爲開荆關上堂見君子
握手多歡顏張鐙啟別舍松影當階圓呼童具酒食煮
茗汲清泉坐定愛幽曠絕無塵俗喧既有此幽棲何事
勞輪轅君言爲饑驅中心豈誠然憶自卜居此屈指將

十年家食未一載，良辰咸棄捐。故里翻作客，出門如言旋。
楊花生楊樹，紛飛落天邊。入水化爲萍，東西任風遷。
我雖事奔走，長眷此邱山。但願得閒暇，躬耕數畝田。
荷鋤帶經史，恣意荒山邊。麥稌歲有餘，釀酒貯瓶間。
日呼親朋飲，取來不用錢。兒子日侍讀，口授三百篇。
義理與文藝，講習得自專。春風二三月，春水方漪漣。
堤上偶獨步，白雲相伴眠。如此亦非奢，造物不我全。
主賓意正洽，舟子促余還。君乃一握手，爲我致纏綿。
強言今且去，重來當有緣。揖余小山坡，月已滿歸船。

題采石太白樓蕭尺木畫壁

待園詩鈔卷二

六

萬山突兀走江水，巍然傑閣凌空起。太白仙人昔此游，
文采風流今尙爾。爾當時意氣橫九州，錦袍烏帽乘扁舟。
五嶽名山在胸臆，足所未到神爲游。快哉此樓敞山色，
俯瞰江波空四壁。蕭君竟爲促迫來，七日淋漓盡潑墨。
岱宗之高高插天，青分齊魯凌蒼烟。祝融諸峯翠欲滴，
九回九背湘波連。峨眉積雪白，日燦匡廬飛瀑銀。河懸
陰晴變化不可狀，元氣混淪溼雲障。天風忽起林壑飛，
四壁松濤走江上。天吳觸怒蛟龍吟，此中心悸如乘舫。
吁嗟蕭君妙筆竟如是，令人頃刻行萬里。天南地北無
殊途，四山神靈皆聚此。謫仙騎鯨何處游，開元山色還

悠悠生前落筆搖五岳身後名山供一樓我來艤棹登
牛渚摩挲畫壁增愁緒江山寂寞獨低徊青天無人誰
與語

回首

回首中原萬馬盤風沙慘澹客心酸百年日月催人老
千里音書下筆難可嘆交深惟大白那知米貴似長安
黃河一道從天落仰臥城頭放眼看

逸園樟樹

老樟經歲月庭戶盡成陰地不遠城市人來深谷林潺
潺流水活片片落花深小駐周寒暑長眠綠綺琴

待園詩鈔卷二

七

姚石甫觀察評拙稿云山谷學杜獨開生面元明
以來講此者少今觀諸作奇橫極矣如出山谷一
口讀之增愧作此謝之

山谷老人學杜陵一鐙元妙實堪承經營七字離形貌
風雨千秋作友朋後代幾人同畫虎孤吟何日悞成蠅
先生獎借原鞭策亦望前賢薦豆登

游三元洞同戴蒼洲

洞在翠螺山隈去太白樓里許卽温嶠然犀處
土人藉巖根架屋數楹半在江上誠奇觀也

捫蘿下巖如戴盆仰天不見逢洞門佛坐石罅達江海

客來脚底驚蛟鼉，帆腹數重掛天上。茶烟一縷盤雲根，倚檻若非人間世。輕波涼月碧無痕。

過
勺園雨後池水大漲喜張稚甫琴甫大令攜酒見

久雨戀庭除，雲陰罨林僻。池水憑欄寬，墻隅讓路窄。勢欲通江湖，冥濛隱深碧。小榭垂疎簾，咫尺烟波隔。涼飈颯然來，爽氣生胸臆。芳樹閃遙空，餘瀝灑細滴。天宇敞清光，山容聳秀色。良朋叩荆扉，縱譚無主客。倚檻風披襟，出戶花覆額。煖酒折松枝，煮茗疏泉脉。昔人澹懷抱，成此容幽適。百年曾幾何，我亦此棲息。更歷幾年華，今

待園詩鈔卷二

八

茲亦疇昔

游淨山至會勝巖僧朗徹留宿

眾巖媚奇峭，白雲環復深。石廊通微徑，洞穴仰高岑。晴空灑飛翠，青鳥時一吟。恍然坐太古，如見天地心。顏陽戀深壑，新霜變晚林。寺門相掩映，復道連峴嶽。野衲延余入，開軒風滿襟。齋厨引飛瀑，虛堂收野陰。佛亦無言說，山焉問古今。清磬一聲徹，空谷遞遙音。山僧自入定，余亦安枕衾。天風忽四起，萬馬奔駸駸。濤聲挾雨來，飛閣不能禁。心悸攬衣起，斜月方西沉。

東何厝岡山東

春風吹楊柳日暮結成絲我友三年別音書久未知故
鄉花發候滄海月明時曾亦登高望停杯有所思

方植之師將赴祁門講席姚石甫觀察承

命將往粵西軍同日啟行蘭偕厚子斗圍命之三
徵君蓉洲孝廉存之馬慎甫光思永三茂才公餞
於光氏遂園兩先生作詩留別因各賦一律

祖餞名園繫白駒高年遠別意何如天教白髮垂師範
帝識丹心下簡書重見紫陽開講席又傳藤峽莅征車
教成功奏歸鄉里杖履偕游賦遂初

愚亭往祁門東郊餞別

待園詩鈔卷二

九

年來送別已傷情君復飄然事遠征黃海看雲應立馬
白醪滿盞怕聞鶯病妻已死家無累弱子同行教可成
江草江花俱有態微晴微雨出山城

湯甬生將軍介管小異茂才蓉洲約兩江人士盛
讌獅子窟至期與蓉洲買棹同往途中遇甬因至
劉叔毅安園暢飲達旦

其游名勝有前緣遙想芙蓉木末拳兩岸垂楊齊覆水
滿天涼甬欲迴船將軍應惱今朝約故友歡留一榻眠
此地亭臺亦疎曠張盞滿飲酒如泉

游金山寺

水浮千里濁流多忽見名山卸百病人上樓臺坐霄漢
風來巖壑走蛟鼉始知江海波濤濶却笑舟航日夜過
頃刻頓開萬古意不傷南北獨蹉跎

九月十五日張小石方鏡之文學葉松亭姚振之

家石三上舍招飲觀野巖

零落黃花又一年何期百榼宴層巖連山落日依紅樹
近水孤村起白烟人世能閒原是福壺觴得聚豈非緣
我家林壑亦如此更有澄江好放船

辛亥阻風北河口偕蓉洲策蹇游莫愁湖

連朝滯江口廻浪侵孤舟徘徊起游興賴有文翰儔策
蹇入幽徑疎曠散煩憂村密遙峰隱道轉清波流野色
延虛閣驚颺動危樓高柳落疎影白日涵清幽美人在
何許湖水長悠悠倚檻起遙思蒼蒼蘆葦秋

游興未已復偕蓉洲入城游隨園及獅子窟賦呈

湯雨生將軍

瞻塗畏日昃探幽興未已山水本夙好暇豫幸有以重
來不知期行樂須及此眷言入城北兩情頓欣喜囂塵
悉屏除岑巒漸迤邐夾道樹交柯聯纒綠陰裏蹊徑愛
杳深瞬盼緩步履名園忽在前舊游仍相似綠柳颺微
風紅葉媚秋水樓閣出林木雲霞綵窗綺髯仙人居

縹緲無過是更有林壑幽相距未及里迴紆若九曲廬
舍納詼詭清風颯然來琅玕自瀟灑小橋達庭西清流
自瀾瀾花深夕陽低藤垂碧雲委雙峯聳青來微禽冲
波起初至神已怡漸深目更駭循籬入桃源風味武陵
在想當春風生千株爭放蕊高人引壺觴枯筇自相倚
興來弄柔翰雲烟結滿紙落英忽續紛悠然生妙理

方鏡之北墅圖

君家別墅如輞川畫圖儼然中堂懸雲開山色不離戶
風捲溪聲長在天靜坐冥冥疑太古流光忽忽將終年
春風回首花初發花底橫琴我醉眠

待園詩鈔卷二

十一

廬江吳蘭軒徵君至桐譙集方氏北園

名園負郭盡修竹溪水隔花流到門佳客遠來如有約
深宵細雨共開樽風流前輩誰能繼

謂竹吾
先生

深淺斯堂

莫可言今日宴游亦陳迹豈皆春夢了無痕

愚亭來書索書東坡人生到處知何似應似飛鴻
踏雪泥一詩賦此作答

幽居空谷踏青莎忽奉瓊函離緒多餽卻猪肝憐仲叔
詩吟鴻爪愛東坡我書肥瘦一無法君謂縱橫三折波
異地友朋必相得黃山雲海看如何

程信吾茂才譚西屏上舍同遊觀音山三台洞

燕子磯邊打漿游觀音山盡更清幽人從洞裏出天上
泉落巖根過佛頭幸有朋儔一樽酒可憐蘆葦六朝秋
建康往蹟何須問歸臥寒鐙一葉舟

游攝山棲霞寺

江風獵獵走寒潮都爲名山早見招迤邐樓臺非往昔

兩三巖壑近雲霄殘碑有字摩南岳

石壁嵌有岫
嶁碑摩本

老樹

無枝閱六朝可惜妙高峯未上夕陽回首馬蕭蕭

得植之先生訃音

悲風動林阿陰霖黯將夕青鐙暗無輝螢光閃寒碧我
師訃音來哀號失神魄憶昨往祁閭同人閒餞席醉後

待園詩鈔卷二

三

朱顏酡花光映四壁先生興會豪哦詩成金石驅車出
東郊望望烟水隔只此百日間竟已成陳迹孔道昔昌

明前賢延其脉亦有穿鑿儒議論轉扞格先生商兌嚴

先生著漢
學商兌

義理開其窟文章復宏深奧妙恣所發光華

在人間天壽豈有竭天地一洪鑪遠近無殊越異鄉與

故里同爲一過客我師大其游胸懷自安適所嗟惟予

輩茫茫何所宅

舟次燕子磯懷存之

黃葉紛紛下石頭兩三好友此登舟我行江海不辭險
君有園林自在游遙想伸舒能好學可憐宋玉只悲秋

芙蓉應滿池邊路幾借清幽快討搜

游谷林寺同存之愚亭

林鬱如此我初登暝色浮鐘雲半層已到寺門仍失路
斷流溪水欲生水老僧具飯盛香鉢古殿將昏上佛燈
蒼筍滿階飛蝙蝠倒巖螻挂一枝藤

命之自金陵歸舟泊樅陽夜過敝廬喜賦

溼雲如絮擁江村風雨瀟瀟獨閉門忽訝故人滄海至
喜同寒夜酒杯温盤餐那藉陳雜黍意氣由來若弟昆
此後天涯各無定湖湘戎馬況紛屯

謝張生孚叔送桃

待園詩鈔卷二

三

天天不謂竟成實

花時人恐不及食桃故云

童稚爭持氣味親花下

幾回傷世事山中曾作避秦人干戈擾攘猶無定歲月
流連又見新但惜瓊瑤無以報啖餘齒頰尙生津

和許丈農生又一村居

干戈擾攘孰爲家賤子飄零更可嗟王粲生涯失劉表
陸機文字少張華此生那得窮耽酒老圃何能學種瓜
惟羨先生開蔣徑柴門常閉許誰過

巖前想有白雲住放鶴來遮水外村小坐危磯幾垂釣
深宵好月自開軒淵明歸去憐荒徑庾信平生有小園
此是武陵避秦處桃花萬樹不知門

東菴洲

江頭烽火日增悲射虎將軍勇未施治世誰陳賈誼策
憂時應有杜陵詩半年不見非爲久後日相逢未可知
聞道練兵守關隘書生經濟或能支

鄰人歸里述斗圍徵君問余消息

意想不到事天涯同此悲喜君身未病痛我命如絲興
至步芳草花開違昔時因之多所感掩淚畏人知

晤丁丈星船

吾鄉風雅久凌替猶幸先生足主持耄歲武公同好學
扁舟杜甫獨吟詩清樽不料重歡聚白髮那堪經亂離

待園詩鈔卷二

十四

忽報將軍能好武西江消息莫遲遲

天方旱忽雨余暉庭屬詩紀事

百萬貔貅屯建業朝廷方幸有良肱出師誰是費文偉
憂國空餘杜少陵吾輩酸辛重會面軍書恍惚又填膺
忽來好雨應時節如此天心或可憑

感懷

自古陰陽亦戰爭百年世事易紛更雞豬魚蒜逢著喫
生老病死時至行良友未能歸故里好花何日滿春城
危隄高柳若堪坐偷得韶光暫聽鶯

懷小松

風骨高騫雲裏鶴，世情冷淡水中鷗。人當強盛抗同異，
我極疎狂喜唱酬。近日音書遲海角，當年文藻出人頭。
讀書萬卷期能用見事，微差每自尤。

七月十日夜飲譚西屏書齋同斗垣信吾

亂離半載常枵腹，今夕逢君得飽餐。一飯豈能感恩義，
相交難得慰辛酸。裴寬自昔奇，本立文度何緣重。謝安
世事漫言有良將，諸君泄沓實堪歎。

八月七日夜不寐聞蟋蟀

艱難時事忘寒暑，忽聽秋蟲冷作聲。唧唧非關人事苦，
悽悽偏使我心驚。三旬未審軍中信，十月猶期牀下鳴。

待園詩鈔卷二

五

今且移家近山谷，孤燈念汝亦多情。

八月九日復移居連城舟中示張生

娟娟涼月來湖畔，漸入蓬窗夜已分。山水有情如識我，
倉皇無計復依君。歸家百日驚烽火，到此長林息見聞。
茅舍竹籬依岸出，迎門童稚亦欣欣。

倉莊賦呈篠亭先生

自別春風歲屢更，蕭蕭白髮鬢邊生。年來飲食喜惟約，
事到危疑處亦平。氣備四時同季野，菊開三徑傲淵明。
我來共有林泉樂，世外何須問姓名。

晚眺同張念鞠至生作

秋老村村橘柚寒
稻花影裏夕陽殘
平田水退魚歸罩
淺渚鐙搖蟹上灘
往日釣游仍彷彿
如今時事劇艱難
朋儔幾輩如兄弟
共刈園蔬飽夕餐

東王懋齋

一春烽火又經秋
唧唧蟲吟永夜愁
一憶故人如隔世
偶思勝地怕重游
舊來文字猶嘗未
新得村莊已住不
我亦移家去塵鞅
片帆仍恐近江頭

西屏約菊開招賞作此調之

去年老圃菊開盛
我到霜前剩幾枝
今日干戈那說此
良朋風雅尙如斯
花時儻可傳消息
遠道何須悵別離
非是探幽情太癖
時危得樂亦何辭

待園詩鈔卷二

共

大樹莊訪張文棗園

晚稻平田帶夕陽
山翁新置好村莊
少年豪氣今何減
有子高才興更長
玩世有時同曼倩
作詩近日類文房
我來杯酒言時事
細雨寒鐙淚數行

過求心堂憶張文馨舫

日月堂堂去不居
廿年前事只須臾
綠蕉滿院同翻帖
紅杏看春幾佩壺
貌類無人傷北海
論成見賞少文殊
空階俯仰秋陰積
時事艱難識得無

山行

憶昨看花春路香近來入谷秋聲長遠山極天礙飛鳥
紅樹連村遲夕陽風景豈教往日異亂離不幸此身當
歸來有酒徑須醉且肖窮途阮籍狂

重九

重陽亦有登高約破涕爲歡強自持數處烽烟驚忽起
全家消息苦難知青燈細雨坐長夜黃菊西風開幾枝
人生佳節能多少中歲何堪遭亂離

寓居求心堂

編籬插竹荳花稠百年老屋窗楹周三間借我居一半
五柳當門蔭兩頭貧羨庾郎食韭薤夜思韓子焚膏油
天心悔禍機如速白壁題詩亦可留

待園詩鈔卷二

七

喜童問琴茂才自汴梁歸里

干戈滿目壓黃塵竟值途窮孰問津忽見故人疑夢寐
漸談往事轉酸辛怪來好飲推三爵并不言詩似兩人
轉笑頭顱皆老大鏡前短髮白如銀

貧居

貧居荒野無生趣日向樵夫強負薪城破交游難問訊
山深豺虎恐親人喜音到耳旋成夢梅萼衝寒不放春
晚食噉吁對妻子風號木落四無鄰

西風

西風颯颯吹木葉鴻鴈紛紛叫肅霜濕葦苦燒竈不熟
破衾冷臥夜偏長擁書誰說抵南面僮牛何處是東墻
焉得橫戈開邊土死生不顧揚清光

酬舒東山

黃山靈秀鍾英傑來隱縱陽闈闈中貴賤何分陸慧曉
鬪爭能解高文通一方保障心無已萬頃波流量不窮
但願天心卽悔禍從容杯酒宴春風

命之有傳言已死繼聞尚在悲喜交集

艱難行路久離羣冷卧山中半榻雲旣恨古人不見我
那堪斯世復無君茫茫天道豈能問嘖嘖人言多異聞

待園詩鈔卷二

六

何日西窗同剪燭一樽風雨再論文

孚叔自山中來言梅花已有開意約至山莊

風雪瀟瀟晝掩門滿爐檟火初温客來蓬戶先傳信
春上花枝已有痕物態尙能依歲序天心豈不驗人言
椒盤獻瑞無多日驢背寒吟過野村

除夕

三百六旬將盡夜却憶從前清泰時爆竹巷衢雜清磬
酒醑鐙燭祭新詩兵戈可奈橫千里棲息難教借一枝
砌下梅花亦弄色春風消息幸無私

待園詩鈔卷三

桐城江有蘭怡之

古今體詩五十七首

甲寅至丙辰

新歲至孫礪泉家與其壻方宣達坐話兼懷礪泉
世亂歸來未有家暫依姻婭歇征車厨荒野雀閒爭食
雪壓疎梅冷著花小火紅爐破岑寂故人異域度年華
男婚女嫁原完事客裏尋歡莫怨嗟

早春同汪雲莊明經訪吳友人

我喜扶風張仲蔚蓬蒿不剪往來頻時間野哭多垂淚
共讀新詩覺有神旅館孤燈新舊歲四山殘雪亂離人
故園此夕亦寥落況是長途歷苦辛

待園詩鈔卷三

喜張潤琴來樅并述前宵夢崑園先生共談時事
作此以誌悲歡也

春來世事不堪言尙想從前聚酒樽總角交游惟汝在
傷心富貴幾人存亂離天下難謀食雨雪江頭空有村
惟痛吾師猶眷戀前宵夢裏得重論

寄農翁卽題其又一村

幽居遙想多生趣春到花枝拂酒杯江上釣魚誰買得
山中養鶴自飛來文章當代推前輩吟咏頻年愧不才
但願杜陵示律法或教咳唾落瓊瑰

得方存之書并示愚亭

良時忽已往獨居違道流悵悵無所適日夕探清幽坐
觀人事變往來白雲浮慨焉齊榮辱華實俱難留斗酒
眞我厚醉能與天浮攜手赤松輩焉知有王侯君忽遺
書札約我至山邱我形已枯槁見時能識不故人半爲
鬼衷腸煎膏油死者釋重負生者將焉求甘君理舊業
尋理繭絲抽青燈伴兒子空堂蟲亂啾眷念江上人疎
狂無與儔高天涼風起明日命扁舟

嬌兒篇

嬌兒嬌兒朝視馬暮築墻日曬雨灑命不能長昔在父
母膝下衣輕煖食膏粱投壺之餘挾瑟上堂區區私念
猶不能償父母顧兒不樂兮好語相將今日如此始知
兒罪當死兒死兮兒死父母望斷肝腸兮淚不已

江上船

江上船何日還鳴鑼打鼓乘興去雷轟電激雲暗天昔
畏風波今日風波猶可憐何故涉大川一家八口人命
熬煎

江上船何不歸本往池陽口忽到梁山磯轉移不自主
天吳海若相游嬉船已不歸船夫早回

江上船音斷絕昔去三旬今已三月禱告皇天若得歸

牽船繫之不肯別

八月十五夜滄莊與張新吾念鞠昆仲小飲

一片明湖欲放舟微雲飛盡月當頭往來我輩同杯酒
多少人家望戍樓得意文章空自許回頭名勝喜曾游
秦淮去歲笙歌裏竟夜珠簾不下鉤

偶書

平生林壑在胸中散步山椒曲徑通魚躍陂塘菱荇雨
蟲鳴籬落荳花風卽時但得一杯酒賚恨難開兩石弓
射殺南山白額虎書生如此亦英雄

小石書來邀入山

待園詩鈔卷三

三

遙憶峰頭雲起處新居花柳自爲鄰秋來書到呼狂客
亂後山中有故人攬鏡屢驚霜入鬢傷時莫厭酒沾唇
王師不忘

朝廷意早晚應回草木春

將歸西屏置酒邀信吾斗垣程雲軒曉春朱欣園
同飲作此誌別

原知樽酒易悲歌不有芳筵奈別何烽火連年如見慣
人生百歲苦無多秋花簷下自開落我輩窮時沒斧柯
明日江頭且歸去滿天涼雨倚漁蓑

陳石農先生閒居怏怏爲放言以廣其意

君平垂簾常賣卜顏闔隱居自飯牛土不求名有三樂
天於極熱介新秋人生富貴風團絮海上神仙花滿樓
我欲乘風去萬里盧敖若士日同游

過環山堂追憶張丈問亭卽示其子能復

萬竹蒼篔戶晝扃揚雄老子著元經花開簾捲亭高下
酒熟風微客醉醒憶我頻來問奇字羨君今尙守遺型
園林已隔廿餘歲遠岫依然入戶青

寓十萬卷藏書樓贈斗垣

桐子山人有豪氣新卜草堂在灑西興到舉杯嫌海窄
悲來倚劍覺天低有書讀過頻煩贈無畫看時不索題
門外野塘新雨足綠雲滿地過花蹊

待園詩鈔卷二

四

中秋登山對月

幾年月色不如此今夕人情畧盡歡世事艱難甘落寞
征人多少怨團圓不須肴饌獨杯酌無限江山永夜看
玉宇瓊樓如可到那嫌高處最清寒

獨坐

寒鴈一聲哀可憐焚香倦讀南華篇良朋已死書難寄
好月貪看夜不眠雖值艱難仍俟命敢將微賤不憂天
丈夫須有安時畧未便徒耕沮溺田

喜晤許芷湘叔平茂才卽和見贈之作

久憶君家好兄弟相逢兩鬢尙能青詩當亂後增悲壯
酒到愁時自醉醒大化原來無喜懼彼蒼應自發雷霆
從戎本是男兒事何必深山獨閉扃

復汪丈厚之書

去年問字訪元亭晨起空山聽誦經別後愁應添白髮
書來興到寫黃庭後人豈不如前古眾醉焉能有獨醒
世事茫茫無可料燕然不識有誰銘

懷唐魯泉師祁圃

元亭曾問字三歲隔寒暄爲宰同羊牧期余作鳳騫文
章感知已天道慘難言有信原非實聞之淚欲吞

待園詩鈔卷三

五

友誼

友誼從來似漆膠古人已往實堪嘲千金尙記休輕諾
一第猶難負素交太息松喬在霄漢可憐身世繫瓜匏
春風本是多生意輕薄偏來弄柳梢

白雲巖

烽火茫茫未肯歸靈巖棲託且忘機帆低風雨橫江渡
雲護魚龍出洞飛悔不時清快遊眺獨憐秋暮攬芳菲
金沙未現泉源竭亦識今時人事非

秋日過環山堂適雲莊亦至贈張履謙

水聲潺潺喬木外夕陽彩翠橫高樓世如太古忘烽火

天與湖山足卧游滿院好花前輩植一壺清酒幾人留
頻來固是愛幽曠亦以主人情獨優

途中見杏花

裁翦冰綃壓玉欄欲紅還白怯春寒我無佳句稱心賞
誰向融風著意看綺席朝思斜覆酒曲江空說插盈冠
干戈未定孤時序惟對牆頭發浩歎

過天喜院舊址

招提小住常旬月夜泛輕舸我昔曾片片梅花江上笛
瀟瀟夜雨佛前鐙譚詩幸有捶琴友謂童曉拂烹茗頻煩補

衲僧今日那堪回首望空餘巖石自崢嶸

待圓詩鈔卷三

六

過清漣菴

破寺依然長薜蘿清風瀟灑一來過僧因離亂拋衣鉢
我侶魚蝦荷釣叢雲起遠山晴忽雨湖平芳草淨無波
落花幾樹忘歸去杜宇傷春可奈何

帶露軒消夏同念鞠道舫東垣作

近水幽居花滿檐涼風颯動疎簾圍棋一局消清晝
醇釀三杯到黑甜江上音書都說好軍中號令想加嚴
朝廷養士原思報微賤空教白髮添

奇兵

奇兵百萬擁樓船今日真教好信傳風起長空縱一火

天將時雨報豐年，干戈南國看將定。
翰墨西窗喜有緣，高臥滄江幾歲月。
回思艱險淚仍懸。

秋感

彤廷數載遠興師，一效難憑閫外期。

聖主恩膏春有脚，諸君風月信無私。
投壺雅度原難望，破膽威聲孰主持。
空使儒生常引領，好花零落悵淒其。
涼風又動柳梢頭，多少樓臺非舊游。
瓜步人家重見月，秣陵風雨豈宜秋。
蒼生萬一猶能救天意，遲迴若故留。
寂寞芙蓉江上冷，幾回清夢溯淮流。

孤城回首不堪思，日暮無人花亂垂。
寂寂苔階螢亂點，

待園詩鈔卷三

七

荒荒葵井鬼含悲，新詩脫手抒孤憤。
好友啣冤悵遠離，千里燕臺時極目。
窮簷何日補瘡痍。

江閣看花掃落紅，時光遞代亂離中。
已看入戶營巢燕，又聽經秋響葉蟲。
三載干戈逢稔歲，中江黎庶仗元戎。
不堪日暮碁聲起，桐葉紛紛散晚風。

寄縉雲

凜凜秋風耀寶刀，翩翩文字邁羣曹。
疎狂顧我情偏合，落莫逢君興亦豪。
細雨何辜阻行李，高齋早許醉葡萄。
他時海上快胸臆，共看濤頭百尺高。

題平遠山莊

逾傳老子髮蒼蒼避地深山結草堂遠岫到門隔湖水
片雲拖雨雜斜陽桃源自昔無烽火茆舍時來共酒漿
獨惜敝廬在江上只依蘆葦避風霜

小韋莊酬徐子筠二尹

君有園林我舊游雕欄曲曲繞清流一樽相對落紅雨
十載重逢驚白頭莫惜圖書歸劫火可憐城市易山邱
棲遲幸借廬仝屋且共吟哦一解愁

許子良明經索和贈章

諸峯游罷後又扣故人關一徑皆黃菊笑余顛頽顏酒
煮快相飲詩成慚太艱羨君五色筆寫就紙痕斑

待園詩鈔卷三

八

過農翁敦園卽題其圖

萬竹搖空綠片雲遮斷山梅花隔溪水一徑響潺潺天
與此佳境扶筇自往還我來住三日亦覺非人間

黃屯山中喜胡虞門過訪

日落荳花白晚風颺簾波故人忽枉駕念我在山阿談
笑驚山鬼升沈感夢婆喜君尙青鬢莫笑髮皤皤

偕余暉庭許子良游青山石屋寺

空林行踏葉聲乾跌坐峯頭一解顏清梵響停過澗虎

山旁有虎跪溪俗傳何相國與寺僧談經虎將過溪中止

此不歸去

用相國摩巖詩堅雲墮地閣山椒之句

我輩從今常往還世事

百年只瞬息好留姓字在人間

過劉石士不遇題詩壁上

遍訪劉伶水一涯故人經亂屢移家湖中風起艤蘭棹
門外鶯囀飛柳花却羨兒童供雞黍特留詩句走龍蛇
歸來見我醉時態應笑狂夫興不差

和吳价人

我自干戈裏來亂離親見不凡才悲來歌哭依林壑
興到文章逐酒杯出手黃金隨意散舉頭明月盪胸開
摩挲寶劍橫三尺不斬鯨鯢安用哉

黃屯山中酬友人

待園詩鈔卷三

九

花馬翩翩狐白裘唾壺擊碎擘篔簹仰天大嘯驚明月
拔劍長川斷急流壯士尙憐能射虎將軍空笑解封侯
蠻烟瘴雨何時歇舉酒難消萬斛愁

山中消夏主人取新竹葉編棚於齋前喜賦

削竹爲棚高十尋風含窗牖晝幽深涼生硯北雙紋簟
青接溪南十畝陰宴坐蓬壺俱自得當空火織那能侵
晚來雲起四山黑應有傾盆三日霖

初聞蟋蟀

撫罷瑤琴弄玉簫忽聞蟋蟀感蕭條一聲冷意催人老
六月炎威聽汝消月白荳花風嫋嫋籬疎鐙影夜迢迢

從今不學劉松飲危坐高齋那寂寥

東虞門

我已無言入薜蘿扁舟猶自涉風波蛇雖有影杯空見
鳥自高飛羅奈何從此清涼有消息與君歌嘯出巖阿
水雲洲渚搖輕艇四壁花深十丈荷

酬方奉三

世路苦艱屯人情多落寞非故高隱淪心跡誠難託淋
隘鬱無歡因之戀林壑縱興湖清流梅花開綠萼明月
拓胸懷清曠時駭愕仙人白雲間一杯招相酌山溪采
芙蓉傷哉事已昨

待園詩鈔卷三

十

雨過龍眠黃蘗山莊訪姚心田

山行一轉一奇絕愛此空濛路不迂萬樹成堆過澗綠
亂峯欲走倩雲扶高人圖畫始相識開化先生曾畫有
山莊圖時人重之

等於
香光

昔日山莊猶不孤

謂心田
居此

煮茗坐談永今夜閉門

聽雨客愁俱

過張丈景園山莊留飲

干戈苦恨未能平萬事都休白髮生詩到欲成仍自棄
世當多難易無情丈人酒熟招余飲深夜船回趁月行
翻謂不嫌迎送拙頻來共看晚山晴

過螺山嵐峯書屋贈龍亮夫昆仲

一峯夕照一峯雨紅樹蕭疎水滿湖矮屋兩頭居二陲
高文絕世比三蘇久因疎曠情相合來此登臨興不孤
杯酒連宵勸勸酌亂離翻得此歡娛

除夕避兵青山

望穿眼底官兵至猶藉深山托此身生死一家難問信
淒涼今夜尙依人驚心爆竹知殘臘著手梅花報早春
塵劫若能隨歲盡辛壬識語應如神

由青山夜歸隱谷

憤憤天公太不情從戎事業總難成逢人怕問之何處
聞賊前來復遠行一夜月明嫌有影萬山雲莽不爲城
抵家犬吠驚鄰舍不敢高聲答姓名

待園詩鈔卷三

十一

隱谷遣意

烽火驅人骨相癯四山風雪攪模糊庭空只借花爲壁
甕小新量米似珠寡妻減食分鄰婦濕葦寒燒懊老奴
王師幾報從東下飛檄紛紛只雨符

夜夢爲賊所執知義當死不能無懼心焉驚寤感

賦

事不從心膽亦寒清宵噩夢竟無端嘗言一死何容惜
竟合平生轉大難節義亦須隨分際頭顱豈必痛心肝
若從馬上生擒賊縱不生還意亦安

卽事

荒雞喔喔夜初分，遠客前來話苦辛。
同照亂離今夜月，聊爲杯酒暫時人。
賊氛已退今猶熾，鄰舍皆非慘見春。
縱使河清終有日，止餘孤憤恐難申。

隱谷詠懷

雙峯寂寂憶江干，處士無家暮雪寒。
經亂詩歌聊當哭，憐人饑餓靳加餐。
陶潛乞米談何易，阮籍傷懷筆下難。
起看遙天雕鶚在，驚飈狂捲任飛盤。

過蘭隱山房追憶吳逢吉

萬竹翳巖壑，野花沿澗溪。
雨餘蟬咽外，雲到鶴巢西。
脫

待園詩鈔卷三

三

帽穿瓜蔓扶筇理，藥畦昔年吾友在。
杯酒此相攜

夜坐

月挂千峯雪，風鳴曲澗泉。
寒梅出簷放，清磬隔林圓。
山鬼窺人過，鄰雞促客眠。
千戈莫問訊，恐惹淚雙懸。

明月

明月照積雪，尋梅度野橋。
可憐一片影，不肯踏瓊瑤。
清妙非人境，詩魂爲我招。
青天杳無極，風竹自蕭蕭。

亂後喜吳亮采自新安來

一片黃山雲，攜落樅江濱。
須臾布萬頃，奇幻如君文。
灑落歡相聚，壺觴更結羣。
晚風放船好，垂柳繫斜曛。

待園詩鈔卷四

桐城江有蘭怡之

古今體詩六十八首

丁巳至辛酉

惠山題壁

春雲漠漠負城隅池上花枝結綺疏此水最宜名士飲
好山多傍美人居故園回首何堪問掃壁題詩且大書
但恐筆踪慚賀監後來驚目有誰與

偕姚庚生重游惠山

良朋攜我渡芳津細雨斜風墊角巾昨日不知今日事
暫游翻作熟游人烟波柳外爲誰綠紈綺花前正及春
如此春光須護惜那堪落寞困風塵

待園詩鈔卷四

一

上海逢湯味菊

君家亭榭傲芳春杯酒鑑前夜欸賓豈意頻年遭劫火
不堪兩鬢老風塵仙源失路桃花笑旅館無人燕子親
幸有良朋居海上征途應許話前因

滬上酬孫澄之並題其詩卷

此心已死著寒灰落魄逢君興會開交到深情忘異地
詩成創論是奇才平生懷抱同前哲多少親朋感夜臺

集中多敘盡
難諸君事蹟

我亦含悽不忍讀海風吹雨入窗來

鎮海官齋別諸友人

春水方生處白雲初起時無心步芳草攜手醉金卮故
里難爲樂他鄉轉見知布帆明日挂飄泊又天涯

與吳繡谷夜話申江旅館

一路乘舟遇石尤天涯畢竟感朋儔我行險在春冰上
君意高騫大海頭繩榻相偎燈結蕊羅衣未製雨迎秋
茫茫去就從何問工寫愁懷那怕愁

贈崑山杜迂谷

迂谷善畫時人不知作此慰之

杜君所畫師造化偶染丹青便出新若欲一時皆說好
須於三品早除神世間買菜多求益霧裡看花那得真
吾亦浮槎去海上方壺在望可爲鄰

待園詩鈔卷四

二

申江旅館中秋

幾年故里中秋月多少愁人掩淚看海上獨來何壯闊
夜深只恐太清寒照殘瘦影成孤立強對清樽感舊歡
誰識深宵尙風雨莫教望遠倚欄杆

申江贈別姚子襄

客中忽相見言自故鄉來兵火今何若風塵亦可哀鬢
毛猶未白心志已成灰勸我勿衰颯陰霾指日開
燈火夜連榻天明又遠游長風解人意不許放扁舟立
馬旗亭外歡呼上酒樓眺高不盡意滄海合天流

西湖登葛嶺同方竹如馬小蘭葉松亭光思永

沙明水碧草萋萋
雨脚初收雲脚低
花隱疎鐘通葛嶺
日斜秋柳照蘇隄
依然勝地杯同把
安得前賢句共題
仰卧船頭天倒影
湖東樓閣在湖西

游興未已與同人訂重游之約

倚遍欄杆夕照邊
鞭絲人影共流連
雲移樓閣俱依水
花擁笙歌半在船
山轉翠深晴亦雨
湖平月滿大如天
明宵把酒莫歸去
推倒玉山沙際眠

孤山放鶴亭

孤山有鶴山不孤
鶴去此間胡爲乎
我來招鶴鶴不返
山自空濛雲滿湖
天生此境爲誰有
我與諸君安得無
幾樹梅花隔脩竹
千秋處士憶林逋

待園詩鈔卷四

三

舟過紹興同楊禮南太史先有游禹穴之約爲雨所阻

會稽山不遠
風雨晝瀟瀟
樓閣近臨水
花枝低覆橋
遙思大禹穴
空渡浙江潮
太史風流甚
終朝醉酒瓢

湖上晚歸

我從靈隱出
枯筇看遍陰
晴南北峯人影
參差金粉亂
鐘聲上下水
雲重丹青畫
意難成稿
蘇白詩名孰繼蹤
無數扁舟齊到岸
藕花深處晚香穠

西湖勝槩甲天下
日來游覽有感於吾鄉
浮山乃

作是詩

浮山亦據東南勝，洞穴玲瓏處處宜。祇少空明一湖水，更無蘇白二公詩。由來美質多標映，天下孤高莫怨咨。欲攬峯巒近江上，愚公何日爲遷移。

細將

三月東風盪畫橈，曾經吳市未吹簫。細將往事繩來日，未必春江不長潮。卑勢何須定效虎，逢人那用輒呼貓。雪餘橋上扶筇立，已見寒梅發細條。

海昌逢故人

歲暮相逢百感侵，旗亭送別淚沾襟。明年聚首知何地，

待園詩鈔卷四

四

同是他鄉各一心

石門西寺除夕感懷

鷓鴣有托卽爲巢，旅館無人識夜遙。往事蹉跎成後悔，明年消息在今宵。桃符驚看門牆換，柏葉先將磊塊撓。有約不來共情話，謂問琴獨聽爆竹響山魈。

只有青氊共短檠，由來志士拙謀生。百年勞碌成何事，四海悲歡各有情。枕上詩篇非舊感，閨中兒女念孤征。此時好契殘年飯，異地蕭條可避兵。

和方麟軒太守集同人結詩社於滄浪亭

去年兵火出江鄉，海上相逢意氣長。天捲殘雲木葉脫，

花搖紅燭酒缸香頻分鶴俸一朝亭得印鴻泥到處忙
貪看好山歸未得又叨末座諷瑤章

諸君文藻亦風雅都向吳趨泊短篷人世最難聲氣合
客居況是亂離同片時不暇無如我

和詩
獨後

一字難安恐

負公始信奇窮無妙處至今琢句未曾工

飛來峯

峯從何處來復向何處去愛此清淨場蜿蜒畧一住悠
悠成古今寂寂自朝暮我來問道因落花迷前路飛泉
灑晴空頃刻變雲霧山僧來告余林端月華吐

西湖竹枝詞

待園詩鈔卷四

五

孤山路轉水雲低響屨聲聲怕印泥回首語郎莫遠去
儂家移住在湖西

雲雨巫山隔幾重今朝靈隱可相逢儂心尙未如泉冷
郎看飛來是此峯

冷泉亭

一亭萬山中橫鎖如門闌雲護鐘聲遲人共花影歇溪
深不見源飛泉灑寒雪去者既匆匆來者復不竭浮雲
變古今此水長幽咽繁華旣已消炎威到此滅爲語塵
間人飲之清內熱

游淨慈寺

我持一瓢酒來游淨慈寺顛僧去何方不得同一醉古
樹尙婆娑風霜閱幾歲處處聽鐘聲白雲在門外

題蜀西劉斗山別駕畫梅

畫梅畫骨須畫神神畫不到花應嗔縱然蹊逕亦迥別
水邊籬落終凡塵昨見斗翁騁妙筆老幹縱橫屈生鐵
一枝直往欲無前數點春回冷香結畫旣超絕詩更狂
欲種此花天上月大羅廣爲玉照堂下臨無地皆冰雪
團團瘦影鑿人心縱有熱腸那能熟信如君言亦復佳
我來夜夜餐瓊葩孤山常訪林處士仙人亦侶萼綠華
不然塵事日相迫此心不俗安可得願君以後畫梅時
畫我與君供花側

待園詩鈔卷四

六

感事

黃金隨勢盡白髮逼人老操捨空勞力悲歡只費情未
來先已定旣去事無驚晚食安吾睡牀頭聽雨聲

登春江第一樓同黃蘭亭沈友琴許介卿吳調士

樓在巖子
陵祠旁

先生高誼峙千秋故國山河剩此樓遠樹依微半天綠
萬峯圍住一江流古人冷淡都爲福吾輩飄零豈用愁
若使有家長閉戶扁舟那得快清遊

富陽舟中作

美人駐蘭橈，明月橫玉簫。花艸鬢邊露，酒添江上潮。幾回能此樂，莫負可憐宵。我豈忘情者，難教磊塊消。

富春江上初聞蟋蟀

蟬聲猶未歇，蟋蟀又悲鳴。如對愁人語，徒增少婦情。三年甘逆旅，一夜轉淒清。月落江猶白，船高潮暗生。

久不得家書

一家骨肉拚無有，千里音書不望來。慘聽干戈更荼毒，尙留生死作疑猜。鄉園早擬歸除夕，歡笑從前說夜臺。今日刀環縱可卜，鐙前夜雨恐含哀。

寄方笙咳

待園詩鈔卷四

七

總角論交日，如今有幾人。况逢多難後，得見故鄉親。君喜全家在，君遷杭無虞矣余慚兩鬢新。天涯方聚首，京洛又緇塵。

題水榭

南國干戈久，西江道路遙。悲來何事好，貧不受人驕。天遠看飛鳥，江枯欲上潮。月明風柳上，又是可憐宵。

首春登春江一曲樓兼贈翟明府

嚴寒初散出，春城才受東風物。已榮高閣梅開千樹白，萬峯雪照一江明。豐年天遣民還古，賢宰人歌化有成。我輩依劉無所事，壺觴坐嘯聽琴聲。

寄方鐵如二尹

富春君去後吾更念西湖客裏書頻寄天涯氣不孤無
家問妻子有路繞貍貙悲憫亦何益將來就玉壺

古賢

古賢不與眾人異沒世能傳天下名青眼看人甯我錯
白雲無意導山行可憐衣服俱塵土不以流離改性情
燕趙悲歌多慷慨大河莽莽蛟鼉橫

聽秋圖

樹杪涼颼動長空萬馬騰濤聲驅大海蟲語隔疎鐙徙
倚情何曠蕭條冷若水披圖動歸思百感更交增

待園詩鈔卷四

八

舟泊衢州擬由豫章回里道塞不通爲之黯然

豫章本非吾故土此身零落欲棲遲計程不滿一千里
限日可憐無定時豺虎山林羅遠近妻孥魂夢悵流離
清明又說是今日孤負風花入酒卮

自遣

繩榻欹頻倦林花落漸稀病皆由自起春不帶人歸種
藥引泉水持竿上釣磯啣魚有水鳥急起背人飛

舟中卽事

雨雪初晴霽輕寒三月天花圍中酒客風送下灘船倚
枕惟思睡看山不要錢吾鄉報消息前月靖烽烟

避兵金華舟中作

江干彌月駐蘭橈看遍東風著柳條
去住無緣知禍福鄉關有路夢迢遙
春光留貯詩筒滿此劫願隨杯酒銷
明日縱饑有薇蕨故人雲漢莫須嘲

別金華謝友人

謝子一樽酒他鄉傷好春江山空戀我
烽火又驚人家遠幸能返詩多聊慰貧
長隄看柳色一日一番新
涓安昨有信此路可通舟已至富春
渚復登瀟灑樓生涯雙鬢短歸夢五
更頭早晚看風信君猶話我不

書悶

時聞蘇州陷

待園詩鈔卷四

九

纔聞大將解重圍又見軍書事轉非
勝地無緣能再去故鄉有夢不須歸
柳齊妝閣鶯兒喚花落棋枰燕子飛
更有櫻桃紅顆顆筠籠細寫五年違

夜泊嚴州時賊初過

城頭散燈火城下角聲哀萬馬奔塵去
扁舟履險來乾坤餘涕淚風雨殷江雷
自愧無柯斧因思大將才

泊小溪

危峯峙江口峯斷帶人家綠樹罨迴溜
清風搖落花有舟皆挽繹無夕不聞笳
春事又將暮歸途計尙賒

涓安道中

急溜飛如箭偏行上水舟懸崖當路口轉舵讓磯頭世
亂行危徑杯寬散積愁晚來又消息林木有貍貅

舟中同友人夜話

列嶂橫江上孤篷聽雨聲青燈圍短夢亂世謝浮名好
友兩三輩故鄉長短情滄安已不遠過此可長征

港口記事

去滄安縣治二十里

異地驚烽火淪蹤覺更難此身羈港口無計到嚴灘小
市門皆閉羣山賊盡盤扁舟誰可濟空對水漫漫
花外帆檣動疑從天上來濤翻雙槳活心曠一江開夜
月渾如晝時光亦可哀路人驚問訊此地不須猜

待園詩鈔卷四

十

將至滄安舟中夜作

窗外雨聲寒擊柝枕邊燈火照攤書明朝進退難爲主
到此人情百不如

賊在前路
船不肯退

避兵諸暨來園醉後題壁卽贈錢伯鍊明經

伯君愛我飲我酒高高明月來湖右我醉將歸月亦西
主人不倦月不辭有人謂我太過之夜夜痛飲仍如斯
高高明月閱人多古來飲者俱見過我之所飲鼠飲河
方謂有負金叵羅主人聞言發高歌斯真飲者言不磨
世事皆如春夢婆理不勝數無如何我今惟飲莫言他
其坐湖邊水不波清露零零微風起手把蓮花劈蓮子

來園同伯鍊夜話

人生交結有前因，才得相逢如故人。共把一壺看明月，兩人都認是前身。

君詩有如三春花，半開半吐弄晚霞。美人折去簪雲鬢，蝴蝶上頭風綻斜。

我似山僧初入門，擔薪汲水苦勞形。自來自往寒山徑，不上齋堂念佛經。

題惺復先生錢公祠

二百年來祠宇新，亭前荷葉與雲平。我來分得清涼味，壁上題詩也載名。

待園詩鈔卷四

十四

消夏來園湖中荷花盛開月光圓滿伯鍊置酒爲

樂

烽烟滿地隔塵寰，湖裏荷花湖外山。看到天心月轉處，那知身是在人間。

我持酒盞上紅橋，聽汝嗚嗚吹洞簫。忽憶洞庭湖水上，滿天風雨落寒潮。

西湖月上水悠悠，歌管何人夜泊舟。幾處花開風露冷，可憐羅綺葬江頭。

兵後復至虎林城同傅香泉二尹夜話

世亂親朋盡飄零，剩此身青山思故國。杜宇叫殘春何

以了今日因之思古人感時詩俱在今始識情真

舟中枕上偶成

亂後思家夜不眠縱眠情況亦悽然夢啼不醒無人喚
月落空江潮拍船

抵威平書所見

兩山屏立綠初洗滄安縣過六十里高插白雲不見天
下爽清流急如矢船落千丈巖囊中去無所向來無從
但見綠樹封峽口灑空飛霧青濛濛出峽絕壁有人家
當窗石立殊哈呀有女盈盈出素手纖纖自折崖邊花
回身攬鏡簪兩鬢煥如天際開朱霞我自掉舟五月矣
旋驚魂落江潭底此地險惡不可言云胡倏然覲彼美
或云仙人暫游嬉特慰孤客窮幽棲

復過滄安

兩山相束中有灘灘上行船船上難水淨沙明風力滿
今朝也得過滄安

前過滄安
爲賊所阻

灘中行

上灘船如上山全以人力迴狂瀾狂瀾之險無底止嗟
哉人力只如此

上灘船如擔負船在峽中纜在手轉移方寸間不可或
左右灘中怪石虎豹蹲風雨模糊石亂走

咏水車

雙輪安穩萬山中水急沙明耀日紅
惟向風波自舒卷不勞人力得天工

新安山中夜作

千里行無滯新安轉避兵音書遲
鴈足風雨雜猿聲萬壑穩清夢孤身愁
遠征良朋惟進酒如此尙難行

長竿村夜卽事

絕閣懸鐙火秋陰萬壑沈
狂風疑虎過寒雨澀蟲吟
久客情皆淡還家累轉深得歸亦足樂
仕宦本無心

康吉堂重陽

待園詩鈔卷四

三

世亂得良友林泉欣暫依溪聲因雨壯
山翠帶雲飛家近難通信兵多不解圍
重陽虛幾度今尙故山違

長竿村和董實圃

君住白雲外我居黃葉村
只此數峯隔相思不可言巖巒屯
虎豹風雨助蛟鼉妙曲譜時事悲歌
淚欲吞

題朱明遠山人壁

孤雲冉冉飛白日虎豹吼昨來此山中
得遇山中叟堂構新經營雲霞納窗牖
生業不求人衣食隨時有稻粱出田間
布縷婦人手力能挽強弓狐兔盡奔走
見事有平不毅然力爲剖溺者以手援
權勢不相受賓至每如

歸殷勤酌大斗長男勤躬耕種類辨良莠稚子喜讀書
循循多善誘風雨閉門居雍容安一畝中原方陸沈處
潔誰自守鳳凰不高飛游鱗半在留山翁獨怡然得天
何獨厚

寓江藻過黃碧塢訪錢葆齋題壁

礪複岡迴石徑清桃源烽火不須驚萬花齊放窗三面
眾綠初沈鳥一聲地以遠人疑隔世心能好佛卽多情
我來且把新詩賦也出人間煩惱城

待園詩鈔卷四

古

待園詩鈔卷五

桐城江有蘭怡之

古今體詩五十二首

壬戌至甲子

歸家

羈危拚不返忽作故鄉人
風雨寒侵戶妻孥淚滿巾
貧窮猶是我劫火過來身
異地盤山水燈前尙愴神

喜馬菊舫至樅見訪

甫過江頭秋氣新編籬強作漁樵鄰
喜君枉駕忽相訪見面都疑隔世人

姑蘇一別各茫茫今日都能歸
故鄉太息幾人隨劫火

不曾看到世清涼

待園詩鈔卷五

斗酒今宵醉莫辭家貧猶可作新炊
盤餐雖少雞豚味離亂誰知有此時

戰船謠

嗟彼皇天閔亂有年楚師來興戰船陸兵所不能進者
而乃旋轉於其間陸兵千萬莫之禦者而乃守其隘一
以當千一解去如飛鳥來飛仙頃刻百里時不遷延二

解去冬十一月天風號兮天雲黑賊居河之南我居河

之北賊欲渡河兮我心惻惻三板告言君無憂惶渡河
不得三解三板去四板來來則民喜去則民哀日相守

兮非耗我財

四解

忽藏高岸之下忽隱山谷之隈賊不

見兮洶洶其來礮聲突起如雄雷火燄一灼死者山堆

五解

村民忽鼠竄而奔號兮賊已隱伏前山後山之腰

旋轉身而向笑兮三板四板俱到旗尾飄搖

六解

冬則

雨雪濛濛兮一布蒙之爲我小民日夜風吹民得生兮

何以報爲

七解

訪椒岑於西山小住旬日賦贈

茫茫滄海橫流甚不揖公卿到薜蘿背世論交疑有癖
談詩尊我豈非阿九州下視只塵集十日因依無客過
繩榻晝眠風灑落纍纍棗熟滿庭柯

待園詩鈔卷五

二

題椒岑秦晉游草

手把龍泉三尺劍劈開秦華峯頭雲洶洶眼底大河水
汨汨胸中萬斛文造物生才乃有此吾輩誰人不畏君
摘取佳篇置韓杜雲波詭譎不能分

呈益陽胡宮保

衡岳挺蒼秀生申爲國光文章韓吏部勲業鄧汾陽粟
轉龍驤壯兵提驃騎良安危天下係大海一慈航
時事雖凋敝猶欣柱石存天教清楚漢

帝倚障乾坤到處甘棠在知名薄海尊陰霾燦晴旭懷
抱吐網緼

汲引賢材進經綸自有真直爲民造福陰與國生春寒
峻亦歡悅穹蒼諒苦辛伊周何所事只是達吾仁

將至鄂渚小住縣之西山留別胡子卓二尹汪玲

卿家翼雲學博魯樵都司

荳花裊裊酒樽香纖月穿簾照客嘗人到歡時愁易散

風於涼處快新當情聯桑梓干戈裏謂諸君子道出旌旗戰

壘旁南越東吳方息駕布帆今又溯沅湘

過九江寄椒岑

湓浦琵琶響已停庾樓嘯咏有何人秋霜白日思陶侃

渡虎除蝗憶宋均奔走從來非下士行藏無意作閒身

待園詩鈔卷五

三

知君話我武昌夜猶傍匡廬看月輪

至武昌遲愚亭不至却寄

我已先登黃鶴樓橫吹玉笛一天秋英雄幾輩皆過世

風月無邊獨掉舟題句驚人無謝眺上書往日識荊州

孤懷愛爾如兄弟毋使開樽寡勸酬

登黃鶴樓

時兵燹之後重建一閣可以遠眺餘址亦漸次

將興遊斯地者無不歎美益陽公之功焉

中丞懷抱動風雷收復江山曠代才畫閣漸隨山勢起

青天應看鶴飛來揮毫擬寫崔公句舉酒遙思皖伯臺

臺在皖城外時
皖尚未收復
漢水滔滔亦東下
吾鄉望此是蓬萊

武昌聞官軍收復安慶等處喜而有作

灑淚皇天有今日
橫江大醉武昌樓
牙旗想見排天上
羽騎看飛到石頭
千里故園欣得返
十年明月始無愁
皖公山色依然在
擊楫中流得自由

喜椒岑來宣城集慕庭寓所夜話

山棲猶記西山西
茅屋一間花滿蹊
衣占蝸涎燈在壁
事如鴻爪雪飄泥
何期吳楚風塵合
却羨文章今古齊
把劍縱橫看天意
牀頭莫惜五更雞

題黃少鵬刺史詩集

待園詩鈔卷五

四

山谷縱橫杜老開
濃雲鬱起發驚雷
每言流輩所不到
直是古人今再來
推倒一時成老宿
混茫大海見雄才
神山隔岸望難卽
安得長風送一回

呈湘鄉曾宮保

手轉鴻鈞據上游
雍容綬帶又輕裘
才兼文武無雙略
功障江淮第一流

帝倚元臣爲砥柱
人誇戰士亦通侯
蕩平豈藉橫磨劍
棋局東山自運籌

歡騰移節皖江濱
淮甸差如借寇恂
落日照旂雲有色
西風立馬月無聲
天人心篆三千牘
龍虎胸羅十萬兵

自愧毛錐成底事軍前亦欲請長纓

和姚慕庭見贈之作

飄飄野鶴盤千仞凜凜青松秀一株十載兵戈淹日月
一尊風雨對江湖名臣愛土情何重時爲會帥留於幕中滄海橫
流道不孤獨愧頭顱今老十君豪氣佩昆吾

湘鄉宮保立忠義局闡發幽光培養士氣感事抒
情率成三律謹呈並贈局中諸同志

瀟瀟窗竹護晴沙明月當頭飛雪花天上人間同此夜
燕南鴈北各爲家十年孤憤春冰解一徑寒香老樹葩
努力頭顱烽火後可憐白傅日初斜

待園詩鈔卷五

五

皖國新看江水清村村黃葉尙縱橫李晟天誕爲社稷
卽令人思如父兄廣廈庇寒兼表節雄才鎮靜示專征
我

皇神武初登極丹詔頻宣下鳳城

把劍看書極有情捲簾燒燭更開觥欣看豺虎中原定
肯使麒麟地上行用杜句吾輩幾人懷管樂卽今一氣轉

元亨天生名世湘鄉老莫負甄陶愧

聖明

寄周海門湖北官相國幕中

憶昨秋風過武昌月明看汝畫瀟湘酒杯在手鶴樓上

風雨拏舟蛟渚旁夏口軍威留謝尙江東旂鼓競周郎
幸依幕府曾無恙惟有離愁共日長

題吳梅塘釣雪圖

世情厭清寒心煽鑪火熱握算有良方柄鑿亦合轍深
屋擁貂裘篋篋美人撥君何持一竿一任萬事歇鶴鼈
坐江天濛濛一片雪潛鱗亦知機織餌恐不屑君乃爲
吁唏我自有生活

步曾相公原韻

滄江笳鼓靖春波鳧藻聲中士氣和連夜甘泉欣奏捷
仗公隻手奠江河

待園詩鈔卷五

六

全除蛟鱷掃羶腥大將威聲拱百靈奪取蔣山憑指顧
謝公墩畔草青青

雙旌對引綵雲橫玉仲金昆擅大名不數涼州諸將帥
楚南勛望勝三明

十載烽烟鬢未霜汾陽襟抱孰能量摩崖準勒中興頌
早祝康侯覲

耿光

肥西晤王謙齋刺史

日夕寒潮歸大海風馳雨驟讀君詩有朋極許劉公幹
謂徐毅甫孝廉笑我還推杜拾遺語必驚人
生死戰音能變徵

鬼神悲輞川他日重相訪定叩胸中何許奇

和孫碧水茂才原韻

獨客天涯尙未歸孤雲黻黻復何依挑燈夜靜曾聯句
沽酒春深慣典衣古寺樓遲寒食過美人零落杏花稀
羅含宅畔多幽趣老樹擎雲墮釣磯

和六安史杏亭見贈

先生才如切玉刀歛鋒不試乃真豪飲人以和樂在內
陶陶孺子禾初苗經戶不覺有人在化家成俗澆風改
橋通籬外笋誰偷菓熟庭前童不采清貧未必如太常
終歲長齋無脯醢歲十一月天清悽賤子初來肥水西

待園詩鈔卷五

七

日聞大名充兩耳破帽疲驢欵君扉雕盤綺食進佳釀
梅影參差橫入杯氣酣起舞疑春至滿堂新知盡快意
惟我風塵色枯槁陶陶但覺百壺好少年努力不如人
遲暮無聞還進道雕鴉在天不敢窺鷗鷺無心共懷抱
世間高節有如君我幸得之慚非倫別來三日詩寄我
詞源倒流江河翻我詩曹檜不足道乃知大楚雄兼吞
頭風檄手愈已快背癢仙爪爬無痕詞意謙冲那可受
獎譽再三不離口低聲細讀顏忸怩掩卷不使他人知
平生落魄猶遭謗轉恐謗者增我嗤牛蹄剩水原難久
馬耳東風知不宜何如先生家食自安雅義皇以上知

者寡青山繞屋溪平田老松魁梧猶參天斧斤不砍鬼
神護中庭白晝生雲烟山莊當廬六衝道十年兵
燹一木未傷一椽未折擬待
諸詩和成日猶來就君迴酒船

和史松園大令原韻

滄江倦游日落拓畏人知文字驚相合風塵遇亦奇那
堪君把酒莫謂我能詩頭鬢已如雪還嗟春信遲

肥西道中遇家乘風學博

野水荒荒白雲山莽莽蒼我行三百里爲汝九迴腸驛
路忽相見萍踪底事忙惟期寒臘盡連日聚壺觴
家書難下筆恐惹淚雙行驛使明朝發勞君爲我將歲

待園詩鈔卷五

八

寒兒女瘦天遠甲兵長畢竟田家樂朝朝共酒漿

肥西除夕

七載度除夕他鄉存此身青燈照孤影霜鬢入新春詩
句強爲樂酒杯聊復親故園兒女淚莫漫灑征人

除夕同乘風弟作

今年又盡夜同繫故園思天道吾何負人情汝未知春
來仍似昔老去更何期羞見窗前柳東風發舊枝

春日友人招飲山莊同史蓮舟刺史昆仲

君家好兄弟同在玉山行胸濶容三島書多擁百城春
泥黏屐滑新柳過風輕齊到山莊飲花間好鳥鳴

避寇吳希賢家寇退賦贈主人

吳君魁梧兼剛毅讀書雖淺重道義平原結屋百餘楹
開渠築墻得地利結納鄰里三千人防守寇盜武具備
賊來招我住其中從容謂我勿心悸居然麟陣並龍驤
堅敵無前賊果退吁嗟人之幹事在一心匹夫能使鄉
閭庇若使佩印執金吾豈非

國家干城寄

自合肥歸里訪椒岑螺子山草堂

計君已作諸侯客後會猶能足慰吾寫韻每思添一語
序文猶冀重三都淮肥兵甲歸鄉里膠漆陳雷倒酒壺
卽此草堂營亦得晚涼落日對江湖

待園詩鈔卷五

九

許丈農生年近八旬遠道歸來猶得把晤喜而有
作

先生容止尙風流豈傍青門學故侯客至談元揮玉塵
日長拭几寫蠅頭年高才力天爲相亂後棲遲命不尤
江海昔時曾洗眼那堪今日復重遊

時將赴
滬上

贈劉子坦邑侯

吾鄉久已因煩苛天遣神君降福多政欲生全仁已達
心能細用理無頗有時竈冷魚生釜來歲人看虎渡河
大吏重賢深倚畀畫函指日荷

恩波

暑熱不堪戲贈椒岑

舍人作文原泉活書吏走筆手腕脫風霆咳唾九河翻
神智燭照四海括我慚牛鐸非黃鐘一涔之水無所容
問君書是何時讀團團明鏡常在胸又如懷冰當盛暑
那識炎蒸況味苦廿載沉吟搜肺肝不如一詣習主簿

靖江晤童二琴

吳門一別風烟慘七載重來百感新國是中興天轉運
我驚秋老汝逢春紆民幸有勤勞在握手輒傷昆弟親
二琴之兄問琴前兩月去世明日拏舟浮海上何年同作故鄉人

待園詩鈔卷五

十

重至滬上爲孫澄之學博題吳淞歸棹圖澄之居滬已九年矣

蕭蕭黃葉打潮回君正思歸我正來來恐不如歸去好
不歸君亦住蓬萊

日坐高樓俯碧波如撐小艇荷烟蓑鱸魚釣得頻沽酒
醉與仙人差幾多

猶記紅橋水閣燈風搖花柳月千層扁舟此去應長嘯
共識孫登返秣陵

滬上逢張勁筠刺史裴浩亭二尹

我昨過肥西聞君臨淮去今我來滬津道旁忽相遇覿

面恐非真驚喜不及語高閣敞窗楹呼朋出迎遽柳搖
東鄰絲花垂隔牖樹燈燭燦高低盤餐勸飽飫酒酣發
高歌忘形疎禮數各在天一涯何期竟同處親愛如弟
昆骨月反難顧涼飈起空中明朝分去住

寄湛真寺燦珠上人

代

憶昨過精廬曾沾功德水師當入定時我亦在定裏性
濁豈通禪在此卽忘彼師更無天親見人皆歡喜一念
有所施施畢念乃止明月一天圓清流聲瀾瀾庭樹衆
鴉鳴山花發寒蕊此境何清奇別來萬慮起仕宦知勞
人塵封面不洗他時入空山已公當我恥倚枕不成眠
鐘聲如在耳

待園詩鈔卷五

十一

十一月初四日楓涇營中贈盧江吳小軒副戎
昨日一戰邱山動賊雖逃去兵死勇死不勇兮賊不除
死必勇兮兵何辜天乎生賊胡爲乎將軍爲我言曰否
是戰雖勝寔我咎鷹隼一擊百鳥無善攻攻其所不守
形象顯之於未呈神乎神乎至無聲果操斯術而爲政
何險不夷枯不春

合肥李宮保復蘇城成此以獻

東南幾載烽烟墨蟻聚蜂屯誅未得我公胸羅萬甲兵
攬轡要令天下清樓船橫海御風渡捲金伐鼓臨滬城

旌旂雲捲刀飛雪數道雄師驚霹靂半年已下廿餘城
軍興以來無此捷吳淞江水流滔滔舟師來去頻乘潮
民言若非公莅此那得安堵如今朝公操勝算仁無敵
當此橫流能拯溺東南倏忽回陽春雍容裘帶紆奇策
憶昨江陰夜泊舟欣看點兵如過籌殺賊纍纍高山邱
公亦銀鞍金兜鍪先時鏖戰昆山陬擒三千賊誅其尤
將士鐵甲猶未脫公又督兵趨蘇州城門四開不敢閉
熊羆開道迎驂騮賊首十人獲其九跪而受誅如在囚
白日照空飛人頭屍填十萬江不流十年眾憤今盡洩
快哉此舉功無侔天生李晟爲社稷川嶽鍾靈世罕匹

待園詩鈔卷五

三

九重倚畀如長城旄鉞公孤坐專席豐功偉業服者眾
鰈生况黍枌榆其行看畫像登紫光摩崖爲勒中興頌
贈別合肥吳小軒赴狼山叅將任

送君出東城東門柳條綠送君過江臯江波去更速徘徊
歧路問我心如轉軸君行故夷猶我行偏躑躅落花
一尺深跌坐當錦褥天地本爲鑪四海亦比屋何用悵
區區且傾酒百斛

書裴敬齋孝廉冊頁

先生低頭讀書史茅屋連雲壘烏几手撥雲片成文章
氤氳一氣書千紙不必世人共讀之有意無意我自喜

平明騎馬出游嬉暮歸載酒倒接羅俗人謂君癡已甚
我笑此語世其宜方今宇宙賀清晏拔擢杞梓求英奇
棘圍九日逞妙筆才豪氣猛馳蛟螭主司受知驚擊節
謂君癡者將易詞我恨識君胡不早不見當年磊落姿
吳門節署拙政園借諸同人小飲卽和錢揆初舍
人李永叔大令之作

一月園林到幾回綠陰新滿短牆隈樓臺傍水浮空出
風雨欺花撲地來莫把名心孤翹葉頻將屐齒印莓苔
前人翻惱經營甚未見山茶一度開

幕府贈周玉山大令

待園詩鈔卷五

七

吾友周玉山其人賢且藝吾初未締交已覺與眾異旣
交情復深視之若昆季偷暇勤讀書養生淡世味言理
無矜奇幹事期有濟神周千慮中腸迴萬象外快心不
盡餘量能寡所敗作吏大府前鉅細俱能代我愧顛毛
摧智照多不逮

世風不可振崇華重權詐媵媵多軒冕雄鷺衣不露識
淺畏貧寒趨時水流下天心亦炎涼名利被人射寂寞
誰肯甘君子泣清夜維持幸有人力可轉造化潛鱗無
洪波風雷那得嫁君能淡無營識時有代謝嘉木含春
滋發生在長夏

羲皇亦已逸，葛天誰其然。吾非求高峻，稍退卽沉淵。君能處急流，坦易如平川。不疾亦不徐，若自有機權。吾與發清唱，聲韻高且綿。吾與弄筆墨，綴文成宏篇。吾與觀大化，動靜得其天。炎威六七月，芙蕖媚以妍。本性得自葆，同心願周旋。

留別拙政園和時萼卿大令作

石徑陰陰入洞天，藤梢新挂柳絲牽。烟波帶雨橋平水，亭館浮空人在船。勝地從來容易過，相君雖去姓名傳。謂合肥公移節金陵獨慙樗散空游釣，魚鳥相忘亦可憐。

待園詩鈔卷五

待園詩鈔卷六

桐城江有蘭怡之

古今體詩三十九首

乙丑丙寅

五月二十一日過惠山呈同遊諸君子

遠見名山如故人招邀過客宿心親青春羅綺非當日
白髮江湖愧此身十載羣兇彌宇宙一峯獨秀在風塵
舊題粉壁成灰燼再汲寒泉試墨新

由吳門至白下玉亭先子役於此把晤之餘不勝
今昔之感爲長句以贈

朱顏已過顛毛新畫蛇着足空勞神少壯失計不可挽
待園詩鈔卷六

百年未滿憂心焚幸值中興殘孽盡重游吳越窺海門
江山坐對盡陳迹開懷長把拋青春蒲帆昨挂來白下
忽接吾子平生親憶昔還鄉過君宅月黑天低一螢碧
門徑荒蕪故友稀榻端并坐蟲唧唧天明鞭馬馳前途
君含雙淚不忍滴自謂搏沙放不收那識浮萍散還積
君本仲叔不累人鋤金無異見瓦石不知人間誰美好
鹽菜自煮足晚食方今諸公盡知名眉間已見發黃色
時至君可爲一官吾卽衰老意亦得

喜晤存之大令

世事誰先知升沉不可卜憂煎常在胸歡娛亦已伏往

者少年時朋輩皆卓犖君志在山林求學不求祿愧我
如鵲盲頽然寡所蓄忽爾遭時艱若輩去獨速存者只
兩三故鄉不停躅憶君大梁歸晤我皖水曲別後思如
夢那期夢再復迄今復四載金陵手重握火色勝昔年
長髯掀滿腹文章根底深養到合抱木金聲振中朝正
始音可續經濟亦槃槃出將爲民牧問我何清癯多骨
却少肉吁嗟今日吾那可昔年目不如卽此身且就青
州翹黥黥六朝山勿笑我髮禿今日尙重游貧賤亦已
足

東劉芝田太守

待園詩鈔卷六

二

松栢不受霜滋榮絕凡卉外挺而中堅山石稱礪礪當
其毫末時合抱已可擬往者皖江上同客侯門裏晨夕
在高樓風雪常相倚牙籤三萬軸撐腹任君啟萬事茫
不知一一咨伯始有酒常飲之作文如翻水其時張季
鷹助飲更瀟灑謂張西園太守冰梨時雜陳搜尋到酢醢天寒
遠山瘦對之增光彩興豪偶作詩清逸兼眾美贈我詩
兩篇必謂我詩似昌黎本排泉戲做東野體子瞻妙一
世乃欲魯直比豈是忘家雞親愛固出此我詩尙未酬
今已五年矣

聚散那可測天意居其中吾欲化爲雲君已變爲龍滬

瀆隔千里雲龍重相逢思君先至時三吳陰雨濛君從
合肥公萬甲兵在胸天上旂鼓動雲中車馬攻背鄉泰
岱屹勞苦身心同鯨鯢淨江海雲霞舒晴空策勳亦高
等名列甘泉宮道和才力繼四官能從容蒲鞭看將舉
亦是承家風豈獨祖公幹海隅誇詞宗愧我如青蒿那
得依長松

秋燕步錢芝門觀察原韻

遲歸待汝未關門夜語呢喃亦覺溫江上秋風驚又到
花間春夢了無痕不嫌茅舍仍來集漫向天涯又受恩
下上好音聊自得鷓鴣萬里莫同論

待園詩鈔卷六

三

芝門題拙集依韻奉和

涪翁一脉君真得今日新詩尤可傳山月皎皎客對坐
天風浪浪音在絃才如駿馬氣無敵我似秋蟲吟可憐
惡韻那堪和佳什他年留憶夜燈前

題汪鏡初大使周紫生太守書齋壁

萬山鬱蒼翠中有百道泉雨後一勃發縱橫流若川無
往不自得其源來自天吾友鏡初子其腹何便便累世
軒冕貴家風文章傳述作紹祖緒丹鉛日磨研爲文善
駢儷工詩恣波瀾萬言頃刻就觀者疑十年七子若在
坐音韻辭鏗然變化不可紀組纂相新鮮白日不出戶

青盞遲夜眠默默與古會花枝爭放妍卓哉鏡初子工
力誰與先

周君曰不然此語甯非佞不聞柳子言好辭工書病土
炭并酸鹹啖之適乃性不得則大戚珍饈難與競老氏
戒多言守中乃爲正物生本芸芸靜則爲復命君亦好
事者焦勞神已罄日月本悠悠江河流不盡俯仰盪胸
懷葆真以自勝識字多憂患浮名非喜慶嗟哉周君言
不啻千金贈吾與鏡初子凜凜惟命聽

步揆初四十自壽原韻

風塵把劍幾相看議論長驅下坂丸揮翰每從王內史
工詩不減鄭都官好山寓目偏忘倦奇士傾心亦共餐
新搆小園誠得地鵲聲終日到門闌

待園詩鈔卷六

四

盾筆風霜亦飽經五權六術貫三靈清潭玉屑諸侯客
喜兆金書僕射廳莫爲流光嗟撫樹相期雅誼異浮萍
春風快意眼前事不用年華記草青

我同殷羨任浮沉歲晚空驚蟋蟀吟萬事蹉跎皆有悔
衰年供養一無心目無真僞訛三豕體不安舒戲五禽
那識鳳凰鳴噦噦梧桐初日碧千尋

元髮何欣未墮顛文壇遠近問君年東西早備兩廳事
清濁能徵五曲絃佳日最宜真率會一家合住大羅天

世人遙望神仙侶十二碧城花放妍

送鮑花潭太常典試西粵還京

虞廷典禮縮銀章喜見清標老太常萬里蠻中豪寫檄

九秋白下快傳觴德星聚會扶良運

公時小憇合肥公幕府并有比部倪

豹故國河山認夕陽絕羨輜軒還

玉闕秋風猶帶桂林香

題唐魯泉師遺稿

哀哀我公不見十載執卷愴然音容如在今世承平公有令名厄於一時百世長生昔宰吾邑壺觴平訟歲有饑饉抱民疾痛藥之養之完好無空及蒞祁閭鋤姦興

待園詩鈔卷六

五

良風俗甫變天意蒼涼粵賊入寇練民守疆聲威所布不敢陸梁姦民導之洩其所藏哀哀我公仰首呼天計無所出惟以命捐事有未盡血書千言蒼蒼者天鑒此心源小人造謗不樂人賢浮雲蔽空長風簸掀公有盛德豈在文傳吾友有心搜刻殘篇公神所憑使我涕漣

喜趙玉生司馬來金陵情話之餘偶成數韻

人苦不癡聾萬事多感觸日月兩跳丸去者何匆促憶昨識君初倏忽歷千日我時氣猶盛今者髮已禿才閔兩寒暄衰頓如此速喜君年富強精力正彌足魯縞施強弓全牛不在目江河納胸懷千里常一曲軒冕世所

爭君獨別榮辱常言得可欣退亦有足淑怡神於古人
豈必在得祿大吏識英奇早晚上薦牘努力爲前驅朋
輩幾遙矚我懶不自由將歸舊茅屋挿竹傍江頭種秫
釀新綠他時若過余一杯可相屬

贈桂薌亭觀察

金章犀帶耀青春當世權宜獨數陳
縻竺雍容猶幹翮
范雲明贍本通神名高江右能忘分
交滿人間不厭貧
愧我樛材老從事三年道故尙如新

東南大計在軍儲才力能教國困紆
輓粟直同飛雪將
運謀何待委輸車鼓鼙江上征帆靜
戎馬中原擊檝初
萬里長風都快意回看春色到匡廬

待園詩鈔卷六

六

題朱養儒晴窗賞古圖

萬事攘攘車轉轂端居清暇卽爲福
英豪幾輩齊范韓
身餘百戰刃劍瘢其餘盾筆草飛檄
山川盤屈眠雕鞍
今幸中興成偉績那得一日饒清閒
朱君懷抱濯江海
好古隨端發精采明窗裴几千卷開
神與古會天風洒
危峯阻日虬松單舞女挿花援鏡看
江山萬里聚一室
錦屏夜半濤聲寒領其下筆得意處
有如古人相告語
盆梅清晝散芬芳客來勿使污寒具
君不見秦灰滲黑
堆咸陽大篆小篆俱遺亡君獨飽收
古錦囊發揮真跡

無秘藏後來臨池問筆法紛紛宜入君書堂

寒食後二日芝門置酒招集水叔鏡初李星槎鮑

竹坪趙敬甫三大令袁子賡劉乙生兩孝廉楊藕

舫太守卽席各製一詩以紀勝會

吾儕何幸脫沉疴劫後良辰莫漫過好友乍翻金縷曲
清樽先試小鬟歌百年雖久聚常少一月相看樂幾多
燭畔海棠紅裊裊坐中誰不醉顏酡

晤張丈柏溪先以詩贈作此奉酬

劫後相逢剩幾人況於異地更情親卽今身在皆爲福
却喜年衰尙見春萬事回頭忘得失一杯思舊感比鄰

待園詩鈔卷六

七

東風搖播江頭柳約畧風情在水濱

晚歲天教樂最真先生有子石麒麟宏才已作文章伯
清俸能供老大身閉戶尋詩常有得論交到我總如新
虛名何用孤身世對酒當花亦可人

莫春喜存之復來金陵卽事成詩二首

孤癖如今尙有鄰非君相諒那相親駛惠食消流謗
文字成家逼古人早識神完中有恃更欣別後氣如春
明朝車馬肯延駐修禊秦淮舊水濱

猶記龍眠溪水清羣兒時送讀書聲茅簷隔樹出鐙火
石磴連雲橫酒觥往事回思如再世故交幾輩憶平生

獨餘衰鈍有何用序齒徒慚呼作兄

張西園觀察來書拳拳故人至爲感佩因作長篇以答之

海棠狼藉東風催桃花歷亂黃金疊流鶯語燕各自舞
白髮逼人春不回故人海邊將尺素新詩問我猶能裁
我聞君言竊感喟江關蕭瑟胡云才寒蟬嘶風少意緒
秋蟀嘈嘈但鳴苦長篇縱爾驚世人身後留之復何補
君之文章萬丈奇潤以丹采垂虹蜺來者無端應者速
滔滔如勝千萬師前年跨海佐大帥百怪彈壓威熊羆
朝廷中興靜海寓賢良登進聯簪犀君如鳴鳳應時出
梧桐朝陽高枝棲名實相附理固爾下視儕輩如醯雞
憶昔從軍皖江上雪夜灑燈爇村釀清尊在坐不使空
惜別移時卽悵惘今者遙遙隔千里君以職勞酒不喜
余亦衰朽如枯禪故無宦情飲興止一年幾得相見歡
冷落麴生風味矣

贈別水叔卽和前作

嗟我鮮弟昆朋好同性命足跡半海宇聲氣罕求應前
年得交君風流寡所并開爽明秋河幹局見志行文能
翻水成千言俱有證少許人故難多許亦已勝該敏如
宿成聲華情所孕珠貝燦纍纍一字一金聘常與坐清

宥使我動清興清言灑天風冷然滌我病我病殊鬱紆
得君已稍罄如何翻然別使我情悒悒四海未休兵儒
生宜執柄賢者交薦擢速遲須順聽此別知非久久別
從此定老母在高堂吾固爲君慶

東裴浩亭二尹兼柬陳葵軒大令

池荷吐復卸久不見顏色計日只三旬寒暑已驟易世
事有升沉中懷無鬱塞趨營常枉謀倖邀亦應得主者
慎權衡天道歸默默若遽求是非恐轉昧黑白造化此
神奇紛紛擾欣戚吾非聞此理守淺蹈時迹取忤旋知
非歸愚安舊宅君本磊落人詹言應我懌所親陳太邱
了澈多自適

待園詩鈔卷六

九

東楊樸菴茂才卽題其文集

數月不相見見時亦頃刻文字常傳觀如挹精悍色想
其下筆時饑鷹思奮翮一息可千里盤空雲路窄揚華
不蹈空鑿險無流僻百家鎔鑄之六經俱有得同輩倚
爲宗達人亦多識命蹇付之天德業日益迫貧賤有餘
悲富貴亦不懌不驚卽坦途流光誠可惜

東裴仿伯茂才

在昔已傷別今來思更新關河勞遠夢歲月愛青春進
道應無偶還家得養真百年過已半看我老風塵

贈倪豹岑比部

天馬一出凡馬劣鳳鳥一鳴百鳥絕當其韜光匿跡時
神采已覺與眾別先生年少穿長楊已軼餘子登玉堂
天寒草制纈袍覆風搖鈴索宮壺香胡爲幡然去京國
陳情李密還故鄉近擁臯比種桃李白門迎養承酒漿
大府羅賢上薦牘經綸廣布乘時康先生笑謂各有職
先究分內心乃懼吾非石隱希名高遲迴正不爲身惜
故鄉凋零亦可憐民窮俗敝終顛連風化固須大力轉
我爲鄉人無憂煎吁嗟先生有心想人流形罔滯神智圓
大用固是國家福平居非爲一身全修名譽馳聞已早
十

待園詩鈔卷六

今來兩載情更好讀書好古資爲歡忘却客中多潦倒
龍山他日開柴門我家相近堪爲鄰十年待君作情話
飽看振翮回陽春

秋夜不寐忽憶玉山

移居何太遠日夕步難勤老至性多懶詩成言不文於
時爲落落卽事亦欣欣此意誰能解因之更念君

喜孫海岑太守官齋移近

少小同閭里他鄉情轉親晤時方恨少居近得爲鄰老
輩日多故今來君一人平心衡物里名者實之賓

喜蕭敬孚來金陵

吾友能文者名高已二人
謂方存之徐椒岑君今才並富我學
晚猶貧時過方知悔別來尤見親田園洵足樂何事向
風塵

晤張紹京大令深情往復有不能已於言者

謾謾松風挹太虛長懷珠玉好詩書千秋家學承金鑑
百里花封奉板輿少日交遊慚老大異鄉情話孰親疏
平生知我勝於我桂性冬榮豈僅如

贈陳作梅先生

太邱重道義處身夷惠閒迹不戾世俗情與古爲歡好
善勤不倦守默無外干遇事有不可辯論千萬端益人

待園詩鈔卷六

十一

以自葆養壽於其源天下方滔滔賢者迴狂瀾爭迎執
羔雁謀畫易其難偶一灑文翰天風碧海寒
昨與上鍾山慨焉忽不樂義農世已遙乾坤猶蕭索衆
鳥各欣欣孤雲獨何託帆檣天末歸終焉何所泊平生
寡經營山田可耕鑿見少無殊多窮通非意度天之報
善人卽此豈云薄古之奇偉士歸來只負郭

楊墨卿都督陳維棟太守置酒招飲適張鑑亭茂

才亦至卽席賦贈

我友城南隅閒來就酒壺高風太邱長戰士黑雲都今
幸鐵衣解何時甘雨蘇張君更博學三篋述能俱

任秋亭太守爲敘李季荃觀察戰功成此以贈

功高不矜古未有況復優游歸隴畝三十登壇眾所驚
四十那容解組綬憶昨粵逆初陸梁殺氣慘淡天蒼涼
湖湘以下不可遏江南繡壤屯豺狼公才亮特不世出
羽翼仲兄分戎行仲兄旌旗臨滬上公由紅橋奮開仗
縱金伐鼓陣如雲死者橫江江不漲未幾連下廿餘城
破竹聲滅由此壯有時鄰境或受圍冲突其中賊膽喪
俱謂將軍天上來鬼神不知其由向次年江南旋肅清
朝廷論功詢于兄推功于人功乃平

天子褒嘉成令名吁嗟十年陰霾迥不解羣公奮起成

待園詩鈔卷六

三

中興有如鬼怪深夜語忽爾鏗鏘撞金鑕萬民歡呼登
仁壽五岳橫空何崢嶸皐夔俱起佐堯舜吠畝何心親
耕佃只緣菽水歌南陔交勉弟昆事北面庭前威鳳日
呈祥八院還開德星堂暇日作文富班馬得意握管師
鍾王豈非神仙在瀛島但恐

帝命司封疆兵馬十年幾勞瘁忍令四海終瀾狂

和齊澹齋學博結交篇

結交須結貧賤時交最真不爾俱富貴猶能全兩人

余漢卿二尹畫竹自況題之

古人愛脩竹灑灑臨清渠縱爾風垂地縱橫仍自如

友人來金陵謂馬慎甫茂才問余消息因以懷之
憶君甫弱冠小篆學秦斯神與古相會文成道載之十
年音信斷兩鬢雪霜欺舊雨多寥落新交有阿誰

十一月十五夜偕任棣香張聘侯兩學博陳小圃
主政丁潤之李星槎兩大令徐薇垣太守汪鏡初
大使看月

風霜肅肅上高臺每向天涯數舉杯人到今朝思昨日
月從古昔看今來亦知百計閒爲得苦著微名累不開
此別暫時各分手嗟余憔悴獨遲回

待園詩鈔卷六

待園詩鈔卷七

桐城江有蘭怡之

古今體

丁卯至庚午

五月陳虎臣刺史邀同張西園觀察劉芝田都轉

燕飲金陵寓館

兩公飄然來海上太邛先生開園扉坐掃落花杯在手
天留老木風捎衣中原多難方餘痛故里無家莫忘歸
經國有才况桑梓某山某水尙清暉

久客吳會甫歸里值重陽許丈農翁張韻琴童子

仁兩少尉許仲衡學博張東曙上舍同登白鶴峯

待園詩鈔卷七

十年不上此山頂天末猶還劫後身詩老約爲真率會
酒杯同照白頭新眼前興廢皆陳迹江上風雲認故人
最好夕陽乘釣艇晚歸燈火尙相親

皖上逢故人許叔平

隻身萬里十年久幾度思君咏式微鬚鬢及今次第白
文章下筆縱橫飛回思少小人情改久別田園道路非
花落閉門無一事共談前日在重圍

許桂仙文學以其母手繡蘭菊幅索題幅中并繡

其尊人所題詩

尊翁下筆蟠龍鳳慈母金鍼亦入神秋菊春蘭兩清絕

始知福慧不由人

高堂長日伴琴書
酬唱詩篇樂有餘
有子能文承菽水
神仙眷屬一門居

八月二十三日偕椒岑尋太白樓故址椒岑有詩
因和三首

勝地重來百感生
斷碑衰草暮雲平
詩人本是飄零客
只與江山共載名

昔年戴子氣縱橫
促我題詩罰酒觥
一夜月明江水白
詩成聊復拜先生

翩翩才調世無多
又得徐郎上翠螺
前後十年人事改
待園詩鈔卷七

風流今古不銷磨

舟泊三山遇王謙齋共話一夕同椒岑作

後會那可計
維舟情更親
艱危憂四海
肝膽見三人
白髮苦余逼
青春憐汝新
飛騰看咫尺
好爲起沉淪

蠓磯靈澤夫人祠

我自天門上蠓磯
湧作盤千年遺恨在明月大江寒
吳蜀已全失乾坤異代看崇祠
今日盛戰血幾時乾

題周子真春郊試馬圖

早羨使君有神駿
嚴霜殘月度關河
橫披鐵甲衝堅敵
喜脫瑠瑯唱凱歌
今日縱游芳草綠
前山深處杏花多

錦衣故里已云樂檢點朝衫聽玉珂

十一月廿三日椒岑來書言開歲定計遠游後會之期誠不可必思之黯然讀是語吁悵不已因成一律

一律

吳門風雨盼君至貪戀家山養老親今日來書將告別衰年後會獨傷神丈夫學道思經國滄海橫流要有人此出及時須努力好音先寄苦吟身

前詩書畢意不釋然復綴一首

慨然擱筆廢吟哦步出城闔腳力和今世古人交誼在山樓江面夕陽多經霜老樹燦紅葉回首中年逝白波

待園詩鈔卷七

三

我友三年反故里山莊猶及一經過

戊辰立春日許丈農翁過舍小飲喜而有作

閉門燒燭雨飛聲陋巷人家亦見春久客暫歸猶是客勞人且許作閒人詩編數卷還宜續座有高朋不覺貧生菜盛盤堪對飲屏除禮數只情親

連日晤柯劍潭於李季荃觀察第劇談甚歡忽爾言別作此以贈並示方仲甫

世俗日傾頹良由中材始饑餓橫於中志氣日卑靡外強或內虧智取更詭詭狂狷所不爲尼山取有以士生今之世此詣不容矣柯侯久不見今來動心喜青巖立

萬仞長江曲千里藻思苞春華玉山照秋水強盛每摧
鋒枯枝噓新蕊任道能自堅那與世諾唯卽當治邦家
頑懦足興起一鶚在晴霄鸞燕莫仰視棟材起高豐小
廷焉足捶雨窗對青燈新詩寫滿紙清韻遡行雲落地
聲不止促我速和之落紅敗如洗方干亦清才外腴而
慧裏座上主人賢將軍稱小李擲筆追古人駕馭風潮
駛各自有會心移易失眞旨良辰誠在茲頃刻不容已
飄萍散有時搏沙聚難擬明朝猶風波且把扁舟艤
讀方山如文學詩卷追感往事情見乎詞

如君文字抗諸昆天佑才人在一門總角幾年成俊傑

待園詩鈔卷七

四

承家三代接淵源相期琨逖鞭爭著莫羨曹劉氣可吞
太息尊人對花落俯思往事耿黃昏

奉題劉廉訪南卿大觀亭游宴圖

偉哉造化誠大觀皖江一曲千里盤霾雲靄霧幸消去
東風仍綠江上山天運重興百廢起我公汪汪如此水
陽開陰閉速如郵令修庭戶人自理江山潤色儼文明
鬱滯俱宣憂悶喜一日縱觀登斯亭江天間敞山花馨
士民跂足竊瞻仰公乃招之自階上且言士爲民首推
農商工賈非等儕秀才不自小具范公曾懷一人倡之
眾人偕稷契豈非田間來賢豪自許縱不及己非局促

轅下駘不然義利微不辨野馬飛撲明鏡臺請君試看
此江水清空往復無纖埃士皆頓首感愧無地乃知親
民還在大吏座上賓客鄒枚叟咸舉玉笋爲公壽噫此
邦俗成風可厚惟公馴之能積久

四月客李和甫觀察書齋適社燕入幕營巢成雙
若兆喜也戲成一律

昨見唧泥花徑旁兩開門戶壘猶香關河迢遞來何處
花柳參差愛此鄉似爲主人先送喜不嫌野客共登堂
明朝公子歸來日更見新雛對對忙

友人舒東山令嗣鏡泉于住宅之旁築小園爲養

待園詩鈔卷七

五

親之所園成置酒邀集程伯剪觀察余祝祺明府
沈引生廣文舒伯華明經題此以待東山之歸

故人愛我縱江上令子克家成小園不事松雲連棟牖
預藏春酒奉晨昏平生有道箕裘繼我輩頻來禮數存
日盼歸鞍待春至趨迎梅萼復開尊

初秋偕引生過西村水口登凌雲閣

攜手蒼巖百尺階蜿蜒跨澗兩峯排泉飛樹杪侵桐帽
翠斂雲根墊筍鞋官令何妨游作計時清待到命非乖
當年經此愁烽火那識林巒如此佳

八月得李宮保師盪平北捻奉

旨入覲加

太子太保協辦大學士喜而有作

一意清天下丹心

帝早知有公存社稷到處補瘡痍輪已頻年斲山能一
簣廬萬無著手處功又報

形墀

天子開閭闔笙簧勞酒漿長城倚萬里卽日拜平章海
內兵戎革人閒姓字香百生皆慶壽畢竟遂時康

伊呂方今出韓彭可叱呼此功誰得比有道固能殊日
月凌霄漢山河壯地圖萬方勞送喜豈止近

皇都

待園詩鈔卷七

六

名賢在書策望古可爲鄰况共枌榆社復沾桃李春星
霜雖屢變馨歆若相親旌節鄉閭望

朝堂賴重臣

題謝和菴明府退思圖

白日熙江上江波清無塵賢者昭亮節堅白那縑磷况
我東山叟秉性輝璘彬少小扛百斛文采耀三春出宰
黟山縣敷治探本源造次事能了方圓施亦神節用在
溥罰人人轉親七載如一日賢聲遍蹄輪賤子幸全
此事賢兼友仁如何不自信退思猶殷勤

題吳引之廣文青燈夜讀圖

廣文先生奉慈母五十笑啼猶小兒夏楚在背話庭訓
夜燈挂壁哦毛詩莫嫌歲月今非昔大著聲名晚不遲
最美春暉憐寸草斑衣照耀上階墀

過齊雲山未及登臨已宛然在目畧紀其勝

勢如萬馬排空落又覺氤氳斷復連樹影黏雲潛赴壑
寺門挂壁半開天籃輿遠接瞪雙目石友同攀訂次年
漫說佳名遜黃海奇觀如此亦堪傳

贈李筱嵐廣文

明月皎無夜春風在物先無營能自濟有見卽相憐以
此論交際伊誰不謂賢豈惟忘勢分吾黨共爭傳

待園詩鈔卷七

七

重晤朱子嘉副戎休邑

迴憶談兵吳越地天低月黑鬼神猜歡呼大白將同飲
條報崑崙奪取回舟楫江河標姓字盤餐苜蓿等蒿萊
萬方無事今何幸公等欣看列上台

過桃源洞

洞去黟治城十餘里

萬壑松聲勁風撓雜水鳴長川如箭駛微雨帶雷轟小
閣閒堪坐遙天晚漸晴蟻旋人徑窄水柱尙支撐
來歲桃開日洞邊紅欲然沿溪放釣艇何處問青蓮往
事尙堪憶今人誰可傳孤懷常鬱鬱圓月到中天

答周玉山論詩卽題其近作

成家我自闢門庭，眞力猶須就典型。今古幾人能不易，
空濛一氣遇無形。鐘鏞鞞鞞非凡響，里巷謳吟亦可聽。
昨捧新詩誠獨造，鯤鵬終自浴滄溟。

己巳早春試筆

閒到山中度歲華，涓涓流水瀉晴沙。荒園草木誰人種，
春到簾前也著花。

宅旁桃花一株偶賦

昨見輕紅夕照間，今朝飛舞不曾閒。東風那得如人意，
留住春光不改顏。

早春喜吳厚滋次藩昆仲來寓留宿并敘往事

待園詩鈔卷七

八

小閣成高會，棋聲搖燭光。承平歌雅地，慘澹甲兵場。時
已過元夕事，猶憶海陽飢。麗緣木杪，偃鼠悵河梁。託命
同肝胆，驚心問虎狼。君言子旣別，天道那能量。金粉飄
零盡，樓臺劫火亡。其間不一寸，猶幸有餘慶。死者旣爲
鬼，生存劇可傷。同居不同遇，何罪又何藏。俯仰乾坤大，
居諸日月長。酒杯須愛惜，人事莫低昂。自愧年華晚，空
餘筋力強。看花仍繾綣，撫劍失鋒鋦。才美東西陸，名高
大小王。丰姿出冰雪，文字挾風霜。紫陌看騏驥，高梧憩
鳳凰。醞醪須痛醉，杵臼兩無忘。莫把光陰費，無羞飲食
康。飛騰期咫尺，衰朽亦清狂。

柬存之并愚亭

大木蔽巖壑風霜屢試之兵戈欣脫難仕宦各乘時風
氣因人轉經綸與古期不才何所望拔劍忘年衰

中秋雨意有不適沈章符廣文置酒招集同人夜
分月出欣然作三律奉贈

老至戀時日中懷長鬱紆寂寥甘自在飛動意難無良
友發佳興荒煙起冷廚但云陳首藉佳節不須孤

賴此一尊酒方歡今夕顏文章得欣賞庭院復寬閒坐
久月初吐夜深門未關往還只數武溝水共潺湲

君來未幾日遽爾爲主人大迹難滯情真形易親敢

荷園詩鈔卷七

九

言輕絃冕毋合溷風塵燕雁縱相代三旬猶可鄰

內子病甚夜坐不寐

九月初四日

豈堪老至猶傷伴床褥相依對短檠睡裏無聲探鼻息
鑪中添火候湯鳴燈花鵲噪小云吉汝死予存命亦輕
幸有良醫肱數折但云脉氣近和平

重九夜偕章甫引生過俸問山署參擬登城中高

阜旋以無月而止興致殊索然也

擬把黃花載酒瓢惜無明月可相邀人如秋雁同爲客
天靳西風不退潮半世交遊同性命羣公意氣逼雲霄
人生不朽須功業亦有前賢在寂寥

九月十六日內子病稍愈喜而有作

連日沉迷命已懸今朝竟得再生年奇方不用靈山乞
老伴猶能故里旋笑向家人還晤面屏除身世莫憂煎
從茲嘯傲東籬下滿把黃花插鬢邊

卽事書贈汪晚香明經

渾金璞玉光內充鬚眉雄偉氣如虹口懸大河善言語
測之愈遠味無窮里人辯爭得剖斷長爲振聵而啓聾
適有鄰家鬼作祟白日發火焰熾合家奔竄齊呼號
束手無策救不至君向火前理論之直氣上充火焰替
時有病者困在牀目見倉黃鬼告退嗟乎世謂巫醫有
奇術終日驅鬼鬼在室書生一言何足重乃竟通幽服
鬼物豈是修辭故爲工亦以正氣與天通較之欒巴救
火異比之石虔驅瘧同吾謂汪君自有過人處豈非自
知者英自勝者雄

胡伯臣學博招登放眼樓

高士結廬楓樹林中閒樓閣出千尋去天不遠幾無地
懷古良深卻在今滿座白雲浮酒甕四山蒼翠落衣襟
從公半日得揩洗佳興環生意不禁

十一月十五夜邀汪炳翔明經署齋看月

年年明月有今宵人老何堪鬢髮凋再看當頭能有幾

目呼對飲幸非遙分明認我前身在寂寞思君數字招
詩酒奇橫興不淺慰予小閣坐無聊

蔡聽香太守名嘉玉爲予述洞庭勝概因以紀之

時同客吳門

此稿前失
今復檢出

余家老屋洞庭灣花果低垂牀榻間坐看雲濤時入戶
身居巖壑不知山天高鶴鶴盤空下風起驪龍帶雨還
我欲畫圖君作記陰晴變化日千般

題程春浦茂才詩稿

崇巖峭壁橫千仞雷雨風雲闋碧霄典雅正如胡叟擅
縱橫那許審言驕胷中不有千篇賦筆下何來萬里潮

待園詩鈔卷七

十一

况更惜陰宗禹聖合予憔悴壯心凋

題程獻堯明經雜著

黟山有士獨殊衆機杼一家才氣超吐石含金參史傳
申今借古雜風謠權衡萬物筆在手推倒羣雄風退潮
今日相知共明月阜雕放眼縱煙霄

黟邑多山少水惟十都汪氏以文家塾前有一湖
雖不甚寬廣亦令人有江湖之思庚午春日汪偉

卿明經置酒招飲湖畔時微雨初晴花柳掩映亦

山中快事也

湖上有高士金玉觀容止温温如有就欣欣多所喜虛

妙得於心超邁空所以豈是山中人眷我情無已
日夕開東閣把酒臨清波空宇亦可悅新詩相與哦勝
地今方到良辰幸未過再來未可必聯步踏青莎
君喜弄柔翰天風灑波瀾身外一無與曾中千畝寬促
我書數紙留作後來看後來何足惜聊盡今日歡

呈 宮保英大中丞

中興事業幾人肩名世昌期五百年

帝倚經綸扶日月天開江海寔舟船燕山雲物深藏秀
皖國恩波喜占先一日權衡能萬里不須裴度託安全
回思滄海橫流日風雨漂搖失所親終見祭遵興赤伏
待園詩鈔卷七

三

早擒張角破黃巾河山滌盪經千戰蒼赤安危繫一身
公論卽今推重望嶽生申甫自如神
全將信義感多方能抵軍師十萬強脫帽歸心齊抱馬
畏威懷罪類牽羊冒瀆和氣三春滿筆走光芒萬丈長
此日續熙新氣象金甌卽見拜平章

峻極龍門仰大賢摠衣嚮往十年前瓣香今始南豐祝

紫詒新逢

北關縣

時聞奉有恩詔

久感孤寒

登衽席不留芻牧在林泉毛錐自愧誠何用淮雅猶期
復柳篇

雨中奉和許文農翁見贈原韻

夏涼急雨溜屋瓦四壁移牀愁煞人文父貽函詩律細
美人橫榻粉光勻時題美人畫幅正將揮灑還他債轉借康強
助我神鄉里向來推老宿辭章擺脫又堅新

宣城喜晤程松韻觀察追憶前情以五言紀之

西湖初識君風雨聯牀席日月無幾何入夥鄰君宅萬
峯壓城頭垂楊連戶碧明月照牆陰頻行忘路窄君居
頽函閒圖書列滿壁左右花交枝繩榻依水石並坐陳
酒觥清風灑霄膈卽此一霎時兩意無不得余生感飄
零常恐逢熟客君獨冰雪懷沖澹不移易不然同室居
有如千里隔勢分若懸殊冰炭必兩迫遠迹尙無尤言
交轉不憚今昔雖一人未可不同責人情類如斯劫人
先自劫如君獨不然猶樂數晨夕

皖上逢徐左江

交遊論四海俱作宦游人惟我與君子相逢貧賤親酒
杯餘涕淚鬢鬢老風塵飛動平生意如今見更眞

古

册数	
定价	00

